

中山郝中丞全集



中山詩鈔卷之三

中山郝浴雪海甫著

近體 七言律

扶風

漢家銅柱馬將軍寂寞於今久不聞交趾方嬾白象
陣虛危空射紫貂裙金錢爛熳門庭凱蕙苾銷磨社
稷勲更憶壺頭曳足日英雄塵土淚沾墳

嘉陵泛舟按部東巡

江遶閬城漫不流閬民離立待扁舟幾村桑柘山根
盡一篋圖書水面浮游騎驕馳新雨岸鳴榔急下淺

沙頭澄清累誓何時效愧煞空談已麥秋

驪山懷古用壁間韻

驪山之麓青青栢溫水之源細細沙不盡古人愁似
海可憐傾國艷於花真人紫氣還來未西岳真形自
不斜多少傷心關內事黃河草綠又誰家

登太華絕頂

太華峯頭雲皚皚兩儀真氣拍空來稍瞻八水堯眉
列一弄雙九僊掌開峽底何人還寤寐山腰無日不
風雷中原望望飛塵土誰灑芙蓉露一杯

過蕭何追韓信處

青山落照陳倉道野老相傳飲馬池逋客孤踪天下
勢相臣具眼百僚師陰陰紫栢須爭嘯淄淄清流風
亂披幾度經過空灑淚無雙國士更誰知

二

雲連棧閣四天垂猶剩追韓蕭相碑天上雌雄雙劍
拔袞中風雨一龍吹何圖渭叟生同載更有綸巾死
出師多少王孫傷漢業自磨蒼壁一題詩

嘉陵江登舟自諸葛祠下

自起開衙拜武侯空江如練一乘舟半川梅雨泥篁
破滿握金丹雪浪流栢子香凝七里外杜鵑聲落五

更頭書生苦抱澄清願回首綸巾志未酬

新真堽泊舟

望後青天失月白江邊黑夜燒燈紅雲來暗作分龍
雨風動爭彎射虎弓不謂劍南久節度於今川北尙
哀鴻強傾濁酒紆愁思奈爾孤舟百感中

蓬州

大小蓬山艸木昏涵濤怒立兩龍門雲埋往代昇平
骨夜哭誰家鰥寡魂一粒官糧千點淚三川鐵甲九
重恩熒熒赤子消磨盡虎豹縱橫長子孫

挽舟

十尋竹鱗獵江東入眼驚濤轉眼空魚鼈為橋非盡
幻龍蛇俛首竟誰同兩山松色搖江綠一道煙霞隔
嶺紅行止半生惟艸屨中原空老玉花驄

錦屏山下泛月

滿江明月滿山秋獨放虛舟一縱遊總為兩川勞夢
寐不甘千載讓風流桃花僊洞幽真絕龍爪銀河爛
不收身到此間忘出處况餘清露豁雙眸

闈中重九夕登秋陽樓

獨夜危樓此縱觀無邊烏樹徹秋寒三川羽檄今方
急一代文章自不刊金甲暗藏香象國青藜密護菊

花欄多才奕奕芙蓉鏡好掛秋陽照錦官

霜

大暑侵凌故未央西南臘月始飛霜兩川草木留天
地萬里軍書動廟廊肯渡青衣嘶戰馬何煩白簡問
危疆聖明推轂方西顧閩外將軍氣漫揚

雞頭關

百丈雞冠馬上捫山河秀氣散朝墩褒州風化烏龍
水鄭谷雲埋青玉盆六堰屯租何日減三川兵械及
誰論揮鞭指點巴東路望斷瞿塘灑潏痕

遣興

一壁爐香一壁琴一回閒步一回吟石花冷冷清人
眼嘉水涓涓淡客心有數青山三面拱無邊明月四
圍侵此中天地真寥濶魚躍鳶飛總不禁

五丈原

五丈原高四野秋至今風景尙生愁老臣汗血頻年
灑天下鋒鏖一夜收高廟本支誰顧托中原智勇慶
無憂我來立馬岐山下渭水經屯怒不流

秋興

遥遥秋色敞雲扉珠樹無塵集令威尙有玄堂時載
酒不窺明鏡已知非青山漸出人爭見野水全明魚

自飛到此也應無住著漫隨陽鳥及時歸

季天中謫潘寄呈仲生石夫子

得君把臂益沾裳菸邑金風滿帝鄉
聖主虛傳三
蓋詔師門親見兩生行雪飛自架珊瑚樹馬到猶聞
女史香最是清華搖落盡先生灑淚賦升堂

二

朔野親傳魚腹字艸廬尚有鳥聲呼但傾海外重陽
酒莫問當年八陣圖天地有情終信史文章無那欲
窮途只今湛湛元堂上誰尚執經為大夫

送李思行西歸

龍荒鳳羽五雲開公子翩翩逐隊來嚴關尚卧將軍
石酪乳還傳祭酒杯韋絕書香寧紫塞刀環消息在
黃梅登堂若拜霜眉下為道斑斕不久回

重陽雨

秋山細雨濕重陽一脈孤煙上艸堂停午雞聲炊黍
白衝籬金氣射人黃窮探魯史疑麟泣醉著荷衫盡
酒香只此矚然成辟地消災何用費長房

鐵嶺城

百尺空城首自搔青山綠水一周遭鳥翻東北遼天
盡魚上西南海路高龍氣已衝都護印雞聲還亂大

夫騷幾回欲雪滄桑涕愧似新亭泛濁醪

二

故李將軍此用兵帑金十萬鑄嚴城曾矜雲鳥兼山
立不謂繚垣一掌平風雨愁歌花樹曲黃昏爭汎木
魚聲銷魂更是狡獬石兀守空衙傍月明

三

甲第排雲久作塵重開茅屋見陽春蛾眉漫寫蓮花
步廣柳終迷漁父津竟入他山樵古木輕於舊水捉
金鱗悠悠芻狗還成夢杖底春風想 聖人

四

勅放歸田八十翁中華罕相起遼東名留古寺豐碑
上事在前朝天順中多寶環收千疊翠羣湖返照一
般紅玉門此日應如闢滿路春風攬轡同

贈解鄉人

竟從吾弟觸冰天病起荆扉欵大賢甕抱一陽竹葉
色月分十夜故鄉圓霜花未落扳驪馬羝雪春深卧
少年多君倍覺鄉思湧好去滹陽仔細傳

李吉津預簡九日不果

花滿東籬舊艸堂於今顏色艷重陽也思北海揚高
步空倚西風想遠香蜃氣儼然秋色裏鶴音空過首

山傍誰能此際分
萸佩不負先生有報章

送魏元永西歸時以省親來瀋

戍樓笑指拚司馬
絕塞逢君轉淚痕
雪裏寒裳親在眼
床頭稽首自銷魂
正憐彩舞依殊域
忽聽驪歌返故園
滿目雲山心如擣
寄聲吾弟好晨昏

元旦感懷 時在奉天

浣聽雞聲拜紫微
森森鶴骨竹籬圍
宸躬疑宿乾清殿
舊寢應飛冥玉衣
影掛燭紅山翠疊
籌分栢葉雁行稀
可堪滿眼驚心事
不作高堂彩袖飛

立春日漫興

廿年春日半攀鞍
到處雲山搔首看
歸夢幾時還似舊
攬衣此夜異常寬
雪消乍見銀州月
鶴淚驚回紫海瀾
好是甕頭春釀熟
漫呼吾友罄交歡

送李吉津先生還朝

衝泥拔馬送君行
回首銀州感慨生
一路河山聞聖旨
七年風雪泣交情
辭巢乳燕穿雲出
抱樹驚蟬冒雨鳴
無那故人還送酒
懶殘不及見調羹

二

燕支紫翠撲龍城
手挽銀河欲洗兵
天下文章今借箸
中原父老舊知名
攀鱗自上乾清殿
推轂誰開君

子營好去報君吾報汝蒲團生死月華明

午日南郊

佳辰不惜遠郊來野色逢迎翠欲堆燕羽深深從水
濕山花冉冉趁人開雲埋楚國芙蓉色泉咽蘇君潼
酪杯聞道西京還射柳朱衣此日出蓬萊

解鄉人於來年又至

朔庭風雨深更夜正爾思君又見君艸閣燒燈疑入
夢雙魚落手已披雲燕南俠骨今猶駿海上名香好
共焚從此隨陽添羽翼銀州五月動星文

中秋言懷

尋常茅屋從雲濕莫礙今宵好月來乾入遙空雙杵
動爽回咫尺一樽開白生虛室翻鳴鶴紅濺深燈雨
落梅自是高天測未得清輝依舊滿蓬萊

歲暮諸震坤投詩索和愴然感舊

遲暮何堪尙此鄉空餘舊事滿迴腸逸經遙夜闌齊
語白足侵晨落講堂憶吉津
刺人也每到忘言花解笑不經絕
粒水無香超超俱已成塵影敢鑿西隣五色光

立春

年來無復舊思量忽漫春風到艸堂露坐虛簷明化
日高呼叱屋過飛觴宮中彩燕迎人出嶺外梅花帶

雪香莫道神州方此日陽和今已遍他鄉

辛丑四月八日哭汝諧李先生

七載欣聞長者名擬連彩袂一隨行片時白晝分蘇
李終古青山隔死生有夢尙圖過歷下無師多恐負
陽城搖搖一痛魂消盡密雪殘燈雞亂鳴

留都

濯濯龍城十二樓天家新作帝王州二陵曉度燕支
色八彩晴搖鴨綠洲風靜不堪歸鴈叫山空時動旅
人愁只今碧落清如許正好商霖灑玉溝

登廣寧醫巫閭謁鎮

粉堞啣空山勢回鳥呼雲破洞門開晴巒盡是青松
立響雨生驚玄武來醮過御香還有字昭回薄命
欲無才餘生竊禱從今日珍重香山沆瀣杯

錦州

羣山圍合海光浮依舊雙河貫錦州多少將軍齊下
馬一時逐客盡封侯魚鳧汎水雲巢塔驛吏趨關雨
飯牛眼底悠悠誰尙在經過無那旅魂愁

寧遠

五色屏風抱九天密排粉堞萬峯連山頭帶雪穿三
箭海底迴瀾落一鞭遮莫兵從龍氣變空傳人比太

行堅夜深畫角澄千慮孤對禪燈似月圓

入山海關

青天開處見危旌雲路潮翻馬足聲魚到海門神變
化鳥窺山色下蓬瀛拂塵一上曾何有隻影重看分
外明從此仍歸天壤內東西南北盡嚶鳴

登澄海樓

參差紫翠生顏色斜照清光碧海頭過雨時飛雙彩
翼乘風欲駕五雲樓天護澄瀾青自寫龍啣夕炤錦
皆流六鰲俱已歸何處萬里中華一釣舟

遷安喜見存赤

山翠濕衣鳥一聲故人猶及見殘生對君疑寫峨眉
月顧我何來安喜城把酒燒燈如夢寐焚香落筆欲
飛鳴當時錦水輕分手仔細今番花裏行

燕邸喜晤魏石生總憲

雪底銷魂向此來登堂猶得見于鬢驚看憔悴咨嗟
久一傍雲霄笑語開斑行簾虛森御墨重陽花艷
寫昭回光生咫尺心何限欲敞塵襟待剪裁

二

八載龍沙聽鳥鳴中原只有魏先生恩深無那身猶
賤禍重何堪眼愈明積雪玄芝還欲秀千秋滹水及

時清人生誰易逢
知己泪落鹽車一顧情

三

浮沉紫海隔青雲
不道相看尚惜羣
顧步自憐骨相冷
平懷已覺是非分
橘香擘處生蘭臭
鶴影侵來濺水紋
莫怪登龍頻向說
雖多華屋願巢君

王逸庵自海南使歸相見成喜

海上龍文回百粵
雪中鶴羽度三韓
可憐舊市還閒過
全把今生作畫看
聚首豈忘蘭語重
分飛亦覺玉門寬
多君只爲心無量
偶爾相過興未闌

贈梁玉立大司馬

聖人推轂五花開
誰見於今司馬才
桃李元戎天下滿
風雷號令九邊回
虛堂竹葉侵詩出
畫閣琴心湧月來
安得調元三數語
春風萬里集龍媒

飲馮易齋少宰席上譚禪

歲暮身微一綫明
聲華落盡見先生
孤燈閃處羣疑破
色酒斟來萬劫清
海外誰曾聞照面
人中原自有調羹
何時更倚春風立
絳帳前頭看火城

夜飲何誕登齋中

熠熠蘭缸舊竹扉
餘生遠自樂浪歸
燕臺故步迷燕市
畫省新香綻畫衣
似與見畱春色住
都忘終作野

雲飛情深曾有何教導難得君身在紫微

再見傅掌雷司空有感

潯陽九月隔清塵不謂今生再飲醇女史盈盈還立
燭星槎汎汎久迷津欣看曳履青雲動無那飛霜白
屋貧尚有梅花香一瓣調羹應與夢中人

涿郡謁桓侯祠

曾執干戈衛閭州千年龍馬識張侯何期路入桃花
圃更憶風生錦水舟烏巢栢樹思含哺井汲泉香愛
枕流獨是將軍真愛士可能還逐卧龍遊

辛丑十月携麻菊水璐圃陳公韓金邵度張希

南諸子及家莊臨漑生弟傲之馥之姪遊白

龍泉得鄭賓王長者同張錫虞澤九各移酒

饌縱飲至夜馳歸賦此

溪雲簇樹畫橋斜遊子呼羣此到家燈下探鈎傳栢
葉風前度曲有蓮花漫愁鬢髮輸青黛且喜芝蘭護
絳紗若使明年春更好願為逐日演三車

焦魯生公祖招飲賦贈

百二山河錦不如此中曾式大賢廬隨緣河朔新傾
蓋為政風流初下車銀漢斜將蓮炬引粉香時向翠
裙舒共君此會情多少真勝十年讀道書

寄贈鉅鹿令簡謙居

恨人安敢問芝蘭無那逢君在錦官雲物雖從天外
變畫圖常向夢中看即謙居手繪三川圖誰知鉅鹿花為縣難得
恒陽蠟一丸從此重逢應未遠且為知己報平安

平山令抱一遷鬱林守寄別

分襟已是十年餘咫尺猶然歎索居嶽影誰教遮卧
閣梧雲自欲引行車好將竹葉銀鐙煮閒把蓮花寶
掌書天鑒此心緣自假會看畫省佩金魚

簡雷伯殷父母

蓬飄也得到吾家况復明公擁幃車可是借來屏上

史魯無閒省故侯瓜芙蓉香水全飛雪桃李春園盡
雨花尚有皈依心未了掃除茅屋煮山茶

贈邸歐冶山人

用里先生王一般清虛忝界畫皮冠十年不作齊眉
夢五夜專燒九轉丹羽扇新成疑鶴語雲房雖去有
蒲團近來秉燭閒同座話到更深興未闌

同保陽諸子遊墅西艸橋唐水用金白岳韻

陸海雲山苦問津何年迴首共尋真且看白露分金
掌自有清溪寫玉人鶴信漫搖煙樹影簫聲閒送板
橋春明年此會知何似莫負桃花柳葉新

遊老龍窩問雨是日辛丑臘月念七日也雲除
日大雲壬寅元日霽春王二日雲三日又雲
四日得雪隨筆志喜寄沿河十八庄親友
臘盡春回信步來丹房依舊五雲開沿村呼酒人皆
出倚樹看山翠欲堆無數鴛鴦齊偶語同羣鷗鷺復
誰猜忘機尚有蒼生願欲借披髮水一杯

二

當年曾與野人遊綠柳千條自上樓泉瀉香杭羣鳥
下風翻荷葉一竿投林間軟語分巢燕雨裏簑衣卧
牧牛簇簇煙霞誰作主三多長者此封侯

三

月明小艇汎冰花記得漁陽羯鼓搗銅馬旌旗遮上
國青氈燈火認吾家箕山潁水傳名士浮谷嘉禾散
月華四顧雲山皆舊識至今初念未曾差

四 追憶癸未舊事

兩河兵氣化爲虹萬紫千紅向此中彩袖盡成金絡
索女墻全是肉屏風英雄雖出蛟龍窟鎖鑰還知造
化工欲寄此情無處所蓮花香水暗相通

五

斗掛山樓爆竹聲故園爲客旅魂驚倘將夙願酬佳

節自有春風滿舊城事已成塵拂去好福真如羽載
來輕搖搖燭影銀河上已覺青天分外明

六

開門不復見冰霜顧影方知到故鄉竹箔爲樓還謁
帝椒花佐酒更升堂迎神紅蠟傳通夜滿眼青春艷
正陽都道今年遊子至花香鳥語聚山庄

七

比日爭傳濕柱礎龍恩不覺到蒼生天花當馬披圖
畫玉輦呼嵩起太平夜集鴉翎三樹滿日粧金色六
橋成寄聲河上諸君子好煮香醪聽鳥鳴

寄姜真源侍御

燕市悲歌足幾番八年只是夢真源敢言多過偏知
我畱得餘生好報恩雪下鮑山竹影亂月穿金線浪
花翻此時對酒應相憶辱友於今到故園

癸卯元日諸震坤陸子懸秦維紫周可章左子
魯聚飲草閣步震坤韻

時當元鳳海無波十度春風此若何夢遶青山屐齒
下鐘回紫闕鴈聲過漉巾側注猶開卷玉樹成林好
放歌造化漫愁無次第得天偏是恨人多

何青綸大尹命賦開原廟松

天都十載及和龍
雪綻關河擁一松
蘿影總纏新月色
青山應載舊時容
鶴歸玄武吟龍夜
花放金園報午鐘
不是歲深誰得見
爭傳僊吏護秦封

問雨

帝力從容銀影回
調元時正及青槐
漢儒繁露空能演
羽客雷門何計開
窺鏡漫疑黃閣閉
泣車應向白雲來
馨香一旦重玄格
真有風雲萬乘才

夢於

世祖皇帝前
同李呈祥諸豫命賦西岳天湖十景夢中
謂十景皆花也

石作蓮花雲作臺
天湖十景一齊開
函關盡是天香度
毛女疑從華表來
已分飄蓬隨五葉
爭知步韻到三台
傅巖渭水傳圖畫
可有回風舞雪梅

天寧寺訪楊猶龍周伯衡于念劬三方伯

獨馬郊西長者園
黃金遮地客朝元
五城燕市迷春色
三省諸侯泣國恩
名宦豈愁失故步
恨人久不見中原
酒闌更盡生平話
聚首於今第幾番

報國寺看海棠

無那春風酒一卮
相看幾度是花時
喜當國色從吾好
恨有天香人未知
立地生春回造化
空階一笑妬

燕脂盡傳乞士能捐愛絡索金繩也護持

乙巳二月過望都拜夫子廟遍肅諸賢用王新
建天津橋看月韻

拜首橋門化日明千年薪火見羣英殷人自欲從先
進漢業何勞問兩生玉帶魚飛龍氣合翠屏花笑放
勲成幾回繫馬貪名勝誰與同深尼父情

讀永嘉相君諭對錄

絕足乘時頃刻間掀翻天地見羅山千秋父子真儒
出一代君臣大典頒敬一亭中雲正護寶綸樓外月
初灣休言去國終投杼無那深恩四賜環

李吉津先生在顧草廬余畱滯旅館迎送俱廢
夜讀秋尋諸咏至欲醉中山千日酒之句愴
然於懷附和一律以誌今昔之感

搖落天涯逐隊行至今回首不勝情生還豈羨青雲

近耻溺徒憐黃葉輕

謂先生生還而猶耻予之溺也

殘鵬車回驚客夢巖

關雪罷蹴鷄鳴共看此夜亭亭月堯里何年補送迎

贈友

束髮聞君未與遊廿年湖海共悠悠顧子奇數誰能
卜恨汝蒼生願未酬天入石頭帆影直春回龍塞鳥
聲柔相過漫欲探玄賞百折身名借一籌

燕都正月十九日遊白雲觀

冒雪尋春入白雲
白雲低處雪紛紛
十洲久已沉滄海
百幻從教傍古墳
好向人間存絳帳
漫於花裏問紅裙
生生除得真煩惱
便與偓佺共一羣

剽公

不恨獗獠剽自篆此章死大荒
那隆佛種尚詩狂
三盆水落飛明月
五嶺山高遮太陽
夢遶尚書身已化
衣傳華首戒猶香
諸天花雨一龕在
從此千山是古堂

銀園

遮莫空欄落雨頻
幾枝綠樹壓清晨
爭知白屋還歸

我是此青山不負人
燕出疎簾花欲笑
客投雙鯉墨猶新
銀園敢謂同西洛
實有書隨不藉身

送陪尹于龍河除太僕再遷宗丞入京

春風良晤在西堂
還似當年接輩行
未選蒲稍鳴八駿
行翻玉葉注諸王
霜凝畫戟關城曉
香染猩裙輦路長
回首斯文司命日
應憐一視籲君陽

秋日書懷呈胡世其父母

顧起蘧廬日月清
秋香况復滿銀城
酒卮却向奚囊

出嘉磁蘇岸食品多從花蔓生
豆花與吳葵相纏書債未填餘半

部鶴鳴忽聽最高聲
一從荷鍾歸陶令
盡室於今有

太平

丁未正月四日燈前擬來朝放舟清水之濱醉
中有作

幽燕豁處見唐河宇宙豁山此放歌作楫誰從閑裏
試濟川爭似古人多德星曠代還堪聚大厦十年構
若何忠獻定昭應未遠幾時清渭起漁簑

代州譙樓

給事周弘禴字
二魯謫代判

天涯作客獨登樓長笛誰歌出塞愁句注遠從雲外
落滹沱近向檻前流白狼漢壁人千古紫燕秦城土
坏正是逐臣堪灑淚涼風五月易成秋

飲稅曦寰座上感賦

五峯如黛遶滹津數剪蘭缸夜飲醇吳市短簫傾故
國淮陰一飯老風塵十年事往心猶昨千里人歸書
已頻攜手空庭渾欲醉蟾池無那月華新

湖上同大尹馮陽長汎舟贈袁輔辰方伯

西州躍馬同君日回首春風十五年曾到龍沙身拜
雁何來天竺共烹泉名藩賴有才臣在羈影空愁絕
足騫歸夢蹉跎猶此際一卮聊汎聖湖船

湖上再贈輔辰

翠潑湖山散曉涼紅樓正濕桂花香雲停屐齒青山

外餐授水厨錦瑟傍獨夜承書過下邳中朝推轂到
餘杭堦前應有芝蘭樹看取巢君紫鳳凰

西湖夜泛再酬輔辰陽長

更深一棹入煙波新月微茫出絳河半泉雲影遲姑
射三竺棋聲爛斧柯叔子輕裘曾著未安仁花信近
如何好將良譽飛屏上踏向燕雲響玉珂

應山遊寶林禪院恭和明高帝賜無念上人松

實韻

煙霞萬樹捲藤蘿界地金繩一線多松實漫隨劫火
化龍顏猶駐白雲窩浮杯自上空江影扣角寧為長

夜歌時就屈伸行變化雙鳧一路下磐陀

坐水竹平分亭簡周叔子

細雨寒煙水竹林客愁無那碧森森香傳精舍梅先
老翠濕青山酒自斟岐路雪消識去就夕陽墟外漫
沉吟時來正有無窮事不負松篁愛汝臨

讀明世宗小史

跋扈名藩竟入圍楚天咫尺玉麟飛獻皇禮起人疑
是嘉靖年長事日非樓對空江還雪灑樽開勝國已
塵飛依依舊恨渾銷盡獨有春風送客歸

登鳳栖山

樹色侵天山影藍宮墻斜出鳳栖南虛空化日留餘
照江漢神珠好自探劃地一帆逃去鳥春風滿座對
晴嵐昔來霸業今何在遮莫飛行醉橘庵

小閣

小閣江天夜讀書彩燈閃閃向人初掛帆未許歸陶
令展卷猶能學仲舒雲撲墨香塵影盡心遊聖密見
聞除蕭蕭水驛三湘外曉揭蓬牕好自如

同張黃二博士遊太平寺

溪聲花色化人行盡日青山聽鳥鳴投閣誰憐還有
字同塵自覺已無名欣聞軟語傳香飯故有深杯醉

步兵幾度相看渾舊好中原何處更班荆

貴竹

銅鼓通宵畫角生曉看萬馬踏雲平天威誠有綸巾
在聖代寧寒玉斧盟事往於今國史出春回無數鷓
鴒鳴豎儒最是傷心客雲白天青貴竹城

贈郡伯李子受

才名八斗五雲纏慷慨論交在此年共喜龍媒能突
陣獨畱者卜尙籌邊舊京回首思前輩新雨開樽聽
曉泉細數家聲誰得似贊皇事業看君傳

追送趙叔文還滇

紫池侵曉白雲生遊子悲羣飲馬行顧影欲攀南海
翼皈心空傍日輪明薰風淺草遲征蓋梅雨晴嵐信
去旌二十餘年爭此道生知重舉大夫名

寄贈霍玉調移鎮水西

管葛絲綸久寂寥却將韓白問嫖姚風生閣道三馳
馬雨洗烏蠻一射鵬路入木稀惟紫翠夢回龍馭尙
飄飄策名舊在無雙處好把韜鈴報聖朝

得李吉津書有和孫生詩即用原韻為賦

戶滿晴光雪已殘棣花相對慰朝餐堂中瑞艸生春
色簾外書聲破曉寒未負蒼生還自好多慚聖主欲

誰干西園正有無窮事遶郭青山盡日歡

村社雨中畱飲

社鼓頻催火樹春倚闌新雨罷紅塵燒燈夜奏梨園
曲入座驚看解語身一向徜徉寧道世可憐引滿似
高人侵晨又控盤遊騎煙水蒼茫問紫鱗

倦遊

何處消愁酒一樽樓頭細雨濕黃昏楚騷四海讀應
遍趙舞一燈影自翻滿目春山圍上國多年遊子受
晨飧漸將人事歸平等白晝焚香好閉門

伯兄贈粉芍藥二枝插瓶為賦

疊雪撕霞一捻生
黃昏折贈不勝情
燈前艷發芙蓉笑
簾外香穿蝴蝶行
箋染桃花千葉重
綵纏宮樹一枝輕
可憐金帶圍猶在
還向人家畫錦擎

曲逆舊城懷古

何緣冠玉采封畱
聞說軍中六畫籌
大度一從隨物化
曲河百折向人流
春來犁雨新翻壠
鳥沒斜陽自上樓
最是悲歌空買駿
不將奇智護神州

春日得嚴景芳書却寄

久下雙魚汾水頭
一函風雨報箕州
得知好友今爲政
猶記秋陽夜上樓
雨破海棠十九度
人歌桑海五

千秋相思常恐成
中路嚴浚交遊及
汝留

周象九先生齋中荷花盛開呼諸子來爲畱一

日

幾度經過旅夢生
相看猶是弟兄情
酒清香水蓮花渚
人入幙頭玉帶城
望都城形風動綠鬟疑解語
一披國色恨宵行
何時更對諸君子
萬樹垂楊聽鳥鳴

白牡丹

一園深綠萬枝紅
國色無雙白賁中
風解霓裳飄月窟
雨寒姑射出晶宮
精神不爲繁華露
顏色全於淡漠空
行向瑤堦閒汝玩
萬年春色玉玲瓏

夏日同陳二陶喬梓兼攜兩甥三兒汎舟唐水
言學

玉溪蘭艇竹竿桅童冠諸生滿載來幾日塵隨書篋
積一回心逐錦帆開驚看魚戲思龍馬默喜乾旋養
聖胎只此是尋顏孔處三千禮樂出蓬萊

葛山寄祝張太公

萬松晴拱乳鴉呼寄祝喬年封大夫階下金魚行露
冕牕中僊佩解神珠真州嶽有如鸞使江夏人傳負
茗圖正我高華十九種得時風雨報郎湖

戊申秋月

雲湧層巒西北來中華當處萬山開辭封喜見盧龍
在渡海驚看皂帽回鴈到重陽全是字鹿鳴八月盡
生梅玉門此際無關鎖一日君恩遍九垓

秋夜宿普照蘭若慨然慕道有作用王新建天

泉橋韻

一寸心回海日明三千禮樂望羣英愛從唐水歌先
帝誓向尼山度此生劍老威寧誰更識詩亡華黍恨
無成今來結駟還如昨慚愧黎陽弟子情

過慶都謁帝堯廟

中天八彩艷於今咫尺龍顏仰聖心仁與天齊憂更

切化同神運思猶欽土堦瑶草開萸葉翠栢清風有
鳳吟最喜吾皇生此地羹墻時在好追尋

贈友

十年寤寐挹龍光此日從容謁玉堂
鄴下文章推子建吹臺風雅入錢塘
謾言卮酒看前輩別有春風滿帝鄉
最是一時蘭臭客千秋吾道許商量

春日

時當入泰履重元共喜晴和酒一罇
官閣梅花紅欲綻平橋柳色綠初繁
盈盈絲竹畱山屐艷艷春風滿玉門
羣力漫言郭李在天家終日問長源

丙辰元日雪早朝迎

駕書懷

萬幾天下籌今日四海豐年兆此晨
雪灑翠華龍馬出橋籠金水帝車
巡曉分頂相還驚寵濫入班行
敢效顰共在五雲臣獨苦兩階舞罷失雙親

九日較射武闈

朱旗拂曉出蓬萊萬馬爭鳴買駿臺
一度嘶聲連鼓下幾回霜色逐刀開
至尊每下雄邊詔樞密同推定遠才
更喜五雲垂綠綬無雙國士揖三台

二

秣馬曾為棧道行廿年回首壯心驚
受書豈解抽簪

秘顧影徒慙鼓瑟聲漫暨若曹爭射札倘教吾黨共
論兵當年玉斧分疆處銅柱鐵橋勒此名

武闡即事

龍門洞闢角聲催援筆橐弓入殼來頓掩韜鈴歸禮
讓一經睽顧盡龍媒重燃藜火纏東壁橫掣參旗露
斗魁珍重 聖人寤寐意高明應得救時才

二

旭彩雙簾曉若何簾開指顧虎臣多爭看武庫驚燕
市的有神龍出洛河便許畫麟方玉汝空能投石豈
張羅漢家羣策今收盡醉撥凌煙萬歲歌

至日雪

花飛積素一陽回梅雪燕關傍曉開萬瓦欲迷銀在
界五雲猶遶露香臺驚聞紫氣衝岩發無數青山愛
客來若薦雄文能奏賦甘泉誰有大夫才

丁巳元日和魏庸齋先生除夜守歲之作

側席憂民仍却賀孤忠遙格 帝心齊多愁媿媿看
前箸百折于于聽曉雞說到 聖明心盡熱歌殘楊
柳意都迷歲朝袖艸牽唐史雪夜擒吳馬不嘶

登孫退谷先生堂有感

八十為儒鶴髮翁書成簪筆紫陽同道大幾人容冀

北才高一日入江東飛魚斜落藤花外白鹿深遊退
谷中去去莫辜曲阜命櫺星門下晤諸公

瀛臺 賜九卿菱藕

書從太液虹橋上 賜出銀灣閣道傍數度晨趨疑
海嶽不煩彩筆見瀟湘蓮房初摘香猶嫩藕雪先嘗
齒共芳直等甘泉飛騎到共舒堯彩汎霞觴

登岱賦得寶閣天衢第一峯頌 聖

寶閣天衢第一峯千巖積翠擁神宗扶桑夜看金輪
湧天步聲聞玉女從觸石青雲流大麓衝霄紫氣護
乾封太平兩見吾 皇造遮莫華籌上九重

煙事二首

荷囊晶管玉人情一線陽回朱雀行神艸絲絲金葉
剥蘭香漠漠玉池生朱簾月上還丹轉毳幕薪傳戲
火成興到晨昏仍汝喚都忘薑桂徹神明

二

漫尋瑤艸數堯莫一握逢君百好停纖手低傳金絡
索香雲高撲綠蜻蜓花開解醉千重紫夢破愁澆四
鬢青陸羽劉伶曾夢未擬將茶酒罷專經

陞辭之粵西任

恩命西班牙簡舊員曾依玉柱落鷹鷗命懸劍閣八十

里雪臥銀州二十年已分書生慚絳灌何期桂海借
樓船遭逢非復堂簾遠親謁金門奏 御前

路過里門

故里生還又此回雙龍水長杏花開焚香獨掃先人
壠落日重登曬藥臺早上驪駒嘶去勒筵前舊好出
行杯生餘家國難分繫華髮星星兩鬢催

登天寧大士閣

太行南去水西來碧落無遮寶閣開通國蓮花平地
出千年金粟掌中回幢懸風動還留偈樹掛河聲好
渡杯到此不愁不遍見萬方塵影盡樓臺

樂城遊臺頭寺

晨思千重萬馬鳴偶闌征轡逐經聲米封猶畫樂書
土化域空傳柴武名松沉綠影塵情遠橋卧紅蓮香
水生無那頻年香飯少閣黎合掌問銷兵

飲魏貞庵相君葆石堂

海嶽精神霖雨才六經肩後聖門開曾燃玉燭紅芝
闕更沃香蘭碧酒杯著作神工三古串絲綸好手九
天回同人正擬爲龍日氣紫燕關舊德來

邢臺懷古

西山龍脈遶岡原殷室憂河計六番苦抱黎元升冀

山詩金
七言律
壤肯刪青竹下淇園堯山紫翠晨飛彩禹澤魚龍夜
化鯤目擊維桑渾聖跡誰憂乾暎濕新恩

即事

太行晴色卷虹蜺兵出滇南我粵西神武宮門親授
甲殊恩南仗早懸雞三秦饒路今方險五嶺羣情未
久迷幸喜軍聲騰九郡掀開天日洗蒸黎

入順德府

龍岡四望晉山河日下松稍落斧柯墨色無聲橋下
出梅花一放五雲多千言女嫁誰畱駕蓬鵲山空鳥
不窠布地石頭彌曲巷可憐五馬日中磨

邯鄲道中

郵亭禾黍六王城路出滹沱多趙名叢磴夜來千騎
發眉池曉起一花生蘇君洹水香先藝蘭相邯山車
倒行盡是吾鄉真將相乘權一日萬方清

過漳河有懷魏事

魏王千乘壓清漳自取銀河遶玉床神智那終籌國
步風流別欲作家鄉親開妙境叅魚鳥獨出高懷低
廟廊最是花明銅雀翠詩成父子各升堂

開封貢院夜宿秉燭遊內外簾傳是宋艮嶽明

周藩舊地

鴛瓦塵飛翠艸迷
紫光猶聚帝車西
更無宮女簪花髻
時有簾官下考題
嶽築羞看戎馬躡
河來痛哭女墻低
只今滿檻葵花遶
夜久猶燃太乙藜

渡洛河

龜龍神湧浪花開
天縱吾師授受來
混沌一清看立畫
文明不字有驚雷
迴瀾顧海皆神跡
獨馬投荒出聖裁
人自從今吾好古
歸陳五福入蓬萊

道出尉氏洧川之間

傳去聲入中天煥帝居
殷宗在澤尚亞餘
連城橫接諸侯社
下里斜穿君子廬
樹樹黃鸝深睨睨
家家紫麥

滿篝車不圖寸壤培
為稔可許龍門太史書

確山西郊小獵

慷慨成羣抹翠微
輕搗獵鼓試攻圍
龍媒對出雙虹見
潤弩齊張一雉飛
開去鳳麟遊汝外
合來秦楚割韓歸
詩書安事貪原獸
學叱風雲悟握機

有感

青山白室滿松聲
久擬投閑送此生
故土違心三徑窄
高天回首五雲平
伏波尚有文犀載
新建誰容曳履行
半在風霜仍瘴癘
獨憐咫尺玉階情

信陽州

四顧申封接楚關多藏羣盜爲羣山城畱規竇車愁
下屋覆矮簷馬怒還卧榻雛雞聲聒聒束裝乳虎血
殷殷司民須有司民政 聖主焦勞未破顏

農事

亂拍流塵斜倚鞍開襟覓爽各盤跚栗花滿樹泥金
爛梅子一林玉齒酸桔槔水向青畦溜鳥獸聲聞布
穀歡何日爲農兼老圃一犁春雨竹千竿

山行六七里漸聞水聲

征麾小隊入山谿翠岫紅霞去路迷渡水花香迎畫
戟受餐行竈洗蒸藜峯回時露登雲騎鳥叫如聞報

午雞無謂投簪方是去青雲一步有丹梯

又見山居

參差新綠上松筠截出茅亭少四隣徹底清泉從雪
足空心老樹可容人倉庚對語鸞凰嘯蝴蝶羣飛蕉
鹿身正想夷由去謝近不堪前隊入紅塵

曉發至午未歇

剛搥晨鼓趣南州汗濕榴花午未休病骨總能蘇百
粵炎天誰問襲重裘兩行綠樹淹頭踏一派黃雲割
麥秋但得堯天皆大有蒼梧曾及翠華遊

出河南入湖廣界

戰馬千羣冀北來山行五路楚關開
參天嶽色當湖起到海江聲萬里回
晝夜廓清還六詔乾坤燮理問
三台都堂分省宣王化為國寧民共舉杯

澗口溪漲早渡

溪頭雨響曉初醒啞櫓千條散楚萍
翠袂青帘牽酒恨紫韁白馬帶龍腥
日躔箕尾疑添竈雨到江湖似
建瓴恒雨恒陽爭幾許征人回首碧天青

武昌有懷

鄂渚巖城枕石岡千秋名輩各帆檣
江山曉夜生光彩城郭笙簫度異香
喜聽歡聲仍舞撥笑看明月到

匡床書生寧解麒麟畫未許深陪鴛鴦行

龜山謁禹稷二聖祠

舍已勲成由已功德流江漢拜遺宮
香升黍稷文明上手闢山河混沌中
萬水晴含舊黼冕一天雨灑古
禮襪只疑竝祀龜山像還是櫻冠往救躬

題黃鶴樓

黃鶴仙人跨鶴歸空中樓閣鳳簫飛
應憐四海無丹竈故遣雙鳧入紫微
花散芳洲紅苒苒茗來江夏綠
霏霏安逢仙棗如瓜大一摘千年省是非

武昌贈徐子星方伯

同榜滄洲欺臭蘭 先皇齊授進賢冠萬言曾補神
龍袞百折仍餘一寸丹笑握晴川雙鬢短鳶飛征蓋
一枝寒於今楚粵通交壤湘水魚來不費難

發武昌

大江青雀部吹聞形勝隔江對面分西顧荆襄飛戰
舸東看吳楚落宮雲船浮賜馬蛟龍見節拂風帆鳥
鵲羣棹發中流心萬里猶聽金殿咏南薰

江行寄贈梁玉立司農

誰爲卜夜開離宴滿座春風倒玉缸國是劇臨曾益
坦帝籌一借智無雙六卿紫粉流雲濕百尺元龍氣

未降漸苦遙思隨水濶江天無際對船窻

二

絲蘿重疊護芝蘭新好雖增舊晤難正擬蕉林舒畫
卷胡停漁浦勸風餐鏡含十面都忘水月墮一鉤好
掛冠只斯領悟生佳想遠道寒親興未闌

江雨

煙波極目八千里盡日汹汹雨打船睥睨吞雲疑浪
捲蛟龍出水伴人眠風回戈瀨將軍喜日照伏波銅
柱乾不是 聖朝勤遠畧 先皇宗社欲甌圓

沙洲晚泊有懷舊署諸老

沙洲斜樣蓼花香
豸署回思幾輩行
數點遙山增晚翠
一周平水卧殘陽
臯夔自合憂廊廟
瘴癘仍慚竊稻梁
雖已執戈巡八桂
葵情猶在袞龍傍

漢武侯拜風臺

風借孤忠帝不違
軍麾十萬逐西飛
累朝拊髀思巾扇
兩陣交戈看指揮
壁醮霞光留火色
江纏雪浪識天威
至今露禱香堪藝
誰拂流塵拜紫微

二

運掌安劉決此回
交叅人鬼問風雷
三江白浪衝人起
萬炬紅燃照水來
龍氣曉隨天籥發
豹頭笑指壘

門開神靈夜夜
星斗真有夔龍管樂才

水宿

黃昏戒止卧征篷
聲鼓嚴宵第幾通
珠貫繁星紛水白
簾穿螢火散書紅
鄉心入夜惟甘酒
國器啣恩總熱中
起舞多回鷄未唱
空山斜引月朦朧

思闕

粹白臨戎 帝業光
驄蹄雨點落炎荒
龕官入隊精思苦
前席承恩清問長
雅奏匡衡籌政本
痛陳魏相砥朝常
兩階舞罷還思闕
鞭繞三聲笏出囊

讀舊史靖遠侯王忠毅新建伯王文成二公本

傳

蠻部勲封舊史傳餘姚東鹿兩齊肩良知四照開藤
峽忠毅三回下麓川有欲多才終報國當機格物尚
回天傷心司馬悲中貴白髮書生共瓦全

放目

國門廿四中書考得汎三湘九水無對面紫屏嬌翡
翠瀾天青艸叫鶉鳩神妃薦寢雲生雨宣廟揮毫畫
作圖何用更尋勾漏去江山雙碧鎖丹爐

思循良正印官

恩灑蒼生列宿張漢家封拜待循良思春蔡氏千刀

紙誰種崇陽萬樹桑尚喘呱聲呼父母可憐凶歲泣
糟糠休言有脚陽春在膏髓何堪潤一囊

新堤

自歸州至荊州隄長千里名曰新堤相君張江陵奏請神廟築以障江湖者也隄內

民田民廬凡數百萬計

新出絲綸白燕臺隄綿千里護金房神宗天帑條鞭
斥太傅梓園瓠子長熟獲十年一佃土春回五穀六
岐鄉成平大智驚神禹郊鯨崇隄未是狂

懷蔚州魏庸齋尚書

各嚴門謁入新年未許登龍已着鞭忠讜爭傳貞觀
政精微誰識了翁賢忘身反覺高名累為國寧求盛

五隣玉色鳶肩金殿上休辭孱影入堯天

湖湘寓目書事

舟進至荆河口西入荆門屬岷江南望岳州屬洞庭江湖交流

迤東一帶山阜蜿蜒曰七里山曰城陵磯曰播鼓臺皆天兵壘門安親王深入長沙據賊腹心順承王力捍荆州尚善貝勒章恭貝子直逼岳州于戈形勢一目如畫真千年勝概也

天威曉散一湖霜弩手千羣射岳陽西顧荆門張八

翼南披嶽麓鎖三湘一宵決策擒元濟千里紆籌問

子房共喜 聖人寧在道可憐螭臂恃恩亡

雨中上陽陵灘漸近洞庭

陽陵石出水洄淵萬頃濤聲落纜前日月煙霞開水

國風雲雷雨送官船未央側席憂黔首晚歲揮戈入

楚天老矣文淵猶顧盼敢無指畫出方圓

君山

喟仰英皇問水濱倪天終與帝為隣蒼梧二聖攀龍

駕斑竹千秋痛玉人六隊青螺臨鏡曉一輪明月走

珠塵計從孺慕雙螯後生死于飛翼五倫

洞庭得風

清水清風滿洞庭高帆雙曳走羣靈山分翠黛波漸

綠天放金烏雨乍停良久瀛洲真界見斯須銀漢一

梭經不匡恩假圖南後遮莫澄瀾刷羽翎

長沙府聖宮有銅鑄五鼎各重千觔桑滄久歷
不知造自何代

洪鈞無地鑄三千廟出星沙五鼎傳力絀萬夫揖子
路羹瀏一七哭顏淵敢鑄聖祖循墻字徒哺寒儒餬
口饘道喪近來惟紫拾高呼升甲五雲邊

長沙晚泊

白霞紫岫遠星沙日汎三湘洗藥槎冲素何綠畱橘
葉武陵輕不放桃花四家書院經生散入境風煙落
照斜只可攜羣升嶽足吹香亭畔一烹茶

楚大夫屈平廟

曲瓊翠翹上聲玉堂開宋玉招魂向此來名布人間爭
日月忠沉湘水泣風雷張儀誑楚舌安在鄭袖迷君
粉已灰滿壁龍蛇猶問帝纓蘭披髮使人哀

舟入湖南憶朝回集金水橋

大起朝儀觀至尊橋環金水護君門四聰豈復
畱餘照九列終期進讜言面折幾回鄉相在襟虛兩
議是非存今來隻影重湖外回首丹霄想舊恩

舟行苦淺熱

頓釋驚濤見淺灘汗多如水怨舟乾摘看網罟無鱗
甲遍接風塵困羽翰馬軟霜蹄悲艸熱人添肺喘識

風酸鳩音欸乃穿江驛直墜紅輪未午餐

粵省

粵省名山付腐儒身飄一葉萬緣孤
柔毫染墨神猶王去聲舊茗沾泉病少蘇
知羨少游騎欸段却慚張翰思
尊鱸受恩無復能高卧柳漾龍泉枉畫圖

江路灣曲苦熱又遲馬不到

不見驂驢爛錦鄣日南水驛纜為韁帆隨岸遶全迷
向船逐江回盡望鄉九曲胡為清見底一陰安得露
為霜回思督亢空羣處盡是青雲驟馬場

遣興

流坎何如師四時天當開處任吾之
遙山如寫還如畫細雨千絲與萬絲
每過蒲舉迎水覆未嘗萍實見
瓜疑湘簾自捲無窮碧積翠盈盈上酒卮

湘潭懷古

浪說潭州魚米方空餘名德度滄桑
考亭仁在梅山洞直院春歸慈幼倉
歐氏尙聞畱墨妙紫巖不復卧
湘鄉至今一上清風閣惟有泉聲送晚香

湘潭遊鳳竹庵

遙覽軍書畫鷁催還披精舍訪黃梅
身於百丈緇塵見帆打千尋白浪來
曲徑穿時聲玉磬回廊盡處掃

香臺天燒更有無窮紫都傍葵花捧日開

神禹岫屢碑

萬水東歸誰不見尚煩岫屢一碑鐫祝融峯下苔封
沒嘉定年中樵客傳盍往三門歌禹貢却同九鼎問
桑田寄聲海內文章伯苦苦鈞摹負聖賢

粵荒

不宦猶深已溺情何堪滿耳阿翁聲讀書常是羞胡
廣艸疏方知媿賈生睿繼重離三至折手援五嶺一
軍驚救荒曾有奇策回首堯仁望玉京

行次湘南覽昭烈本紀見暫營公安鬱分桂陽

武陵諸郡感賦二首

中天吳會帝都蟠跼促公安尚未安天下英雄惟帝
室一時高捷有曹瞞方看斜谷旗槍倒不信荆門鎖
鑰寒滿目桃花成舊恨卧龍無計請回鑿

二

武擔警蹕紫微明扈從千官濯錦城諸葛洞開丞相
府關張各受羽林兵神靈高廟遙生喜割據羣豪盡
吃驚天下屬劉非此日益州師出有聲名

漁父

金鈎香餌製文梭小掌絲綸隨意過映水紫鱗清賞

慣投繒白服放回多五湖誰載如花伴三戶空聞鼓
枹歌良久月生鈎落水碧天萬古一漁簑

回鴈峯有感

身窮寒暑試炎霜繫鴈還來回鴈鄉鴈起冰蟲驚滿
座鴈回火鼠戲升堂苦無四氣隨身備可奈三苗盡
我疆勘破紛華仍躍馬柔徠深恐 聖懷傷

採問衡湘間米價民風

湘南米富稻花香閩客歸誠散楚疆細屨花纏疑是
黃蠹魚墨染不成裝帆懸布素鯨鯢突聲剪鷓鴣春
白忙好度米船山棗驛全州今設太平倉

雪暑

帆影翹翹晚照紅正無風處忽生風龍提湖海升虛
界電掣虹蜺沁水中瀟灑片時成變化清涼依舊出
虛空坐看暑雪人皆立萬頃蟾光湧月宮

舟居

葛帷昧夜守河魁水報郵籤不脛催聖米香生一箸
軟客懷笑逐百花开舟移鏡裏鬚眉見人歌橘洲風
月陪三楚煙霞穿欲透前船猶未掉頭回

衡湘觀秋穫

衡山縣北阻風值岸民割早稻為
松盆落其實名曰稻筍而晚禾方

青穎發穗一望瀾川池開菑苜華實香色自
艷無人之境可愛也又聞衡沙永寶田皆不

冀得莽灌之可數倍獲今年頗熟其米船自衡州下漢口順水不過十五日若中州江西南及東西粵蜀有荒皆可轉濟至尊聞之天顏當為一霽也

百能採鑲資晨炊正見湘禾曬米時脫穎勾芒齊結穗歸春雪粒欲流匙誰田紫稻三千畝自發紅蕖千萬枝藏富在民君益貴赭黃粉米映丹墀

二

粵省交疆入楚天三湘凶稔到西偏錢流地上還誰見土賤黃金是某年憂國大農欣上熟富民丞相愛優蠲風吹五稼今皆秀奏凱仍於大有前

野人餉藕粹白無雙

孰挈女手之拳然妬粉披香上客船折節妙生千慮竅羣龍密卧百花天王人金串還籠否香象靈牙得孔穿不是野人深覓取瀟湘那見藕如椽

遊衡岳

又乘風浪過長沙名水名山放曉衙數卷詩書酬盡界一回風月八煙霞松青相國牙籤宅藤紫香岡處士家此日萬峯俱頂露芙蓉木末見開花

入南嶽石路古松皆千百年物

不耐舟師土語嘈一披天路萬松高晴潮海口錢塘月雨灑龍鱗綠鳳毛舊翠尚畱前代色濃陰難洗大

夫勞幾回箕踞山村下能逐香風臥酒槽

六月十三日登南嶽祝融峯絕頂見日出入奇

駭萬狀向來觀日所未曾有也

紅塵暑滿五峯寒呼吸高深頓改觀陸湧神鰲啣火
鏡金溶紫海見還丹欲探岫巉三才密不捨祝融五
彩蟠何幸風雷收大麓高空斜倚石欄杆

會僊橋

片石翹然揖衆僊妙高峯外一梁懸行空天馬寧遺
舄笑逐洪崖會拍肩青鳥不傳長樂信明河安用鵲
烏填共來疑信皆佳話見此登臨傲僊佺

嶽麓

古傳浮湘可九面見嶽故七十二峯深淺
參差皆有水田層抱其足香稻翠藹迎暑
出穗又見蒼松紫藤密遮谷口在竹籬雲犬
間大抵皆壽民石隱也以視西湖山陰差少
橋舟耳然人朴土肥實冠二浙五嶽之中華
最貴而衡最富因以告海內抱向平之願者
云

倉廩曾驚下蔡忙青山何處臥羲皇鷓鴣似勸遊山
客薜荔真牽陌路狂飽食黃精顏可駐高眠紫蓋月
生涼漫言巢許塵軒冕岫巉蒼梧有帝王

重華伯禹亦
曾倦勤此土
也

小舟

高牙大水擁艤艘幾度移舟四斗艫瘴雨兼雷翻舳

艤蠻煙帶火鼓風箱共愁陽鳥隨金化誰料伏波為
語傷最是烝江一線險于于犯暑入他鄉

粵俗

親承 天語柔新粵兀兀宵吟手倒叉蘇客謾居金
翠鳥楚商好販木棉花雖經禮樂仍如鬼除却干戈
不做家疑是昔賢畱護國不教侵瘴入蜂衙

江行石子上磷磷有聲

石子如鱗玉砌平江清有底岼無名飛來風雨零陵
燕曳去誼譁楚國珩注黍行舟成舊恨啣精填海見
塵生侏民厲齒鄉風陋回首 金鑿八柱擎

又江行平石上

江底大石席鋪縱橫縫界如畫
清淺平流遊魚可數疑上古神
工墁路而湘江
奪為已有也

大石雲鋪巨掌摩清江二尺漫銀河麻姑桑海驚乘
傳王母瑤池許棹歌憔悴尙憐好境界空明誰復慎
風波莫愁日下三吳盡九股高原畱正多

舜陵

黃帝在涿鹿堯在平陽文武在咸陽北阪
神農在鄆縣舜在零陵禹在會稽周公西
陪文武孔子及四聖在曲阜鄒縣伏羲在陳
州湯在亳州數聖人周天下一遭皆我榻視
也 八荒

古皇皓首尙憂民五嶽分畱萬歲春日麗九疑知孝
子湘浮二女見忠臣蒼梧想像簫韶鳳象郡終歸稼

稽人揖讓間隨流水去當初苗繇是芳隣

過嶺入粵逢立秋

青山四面逢人立無路行時又路開十里風濤翻翠
蓋三分雪色憶寒梅權將暑氣湘中散親引秋風嶺
外來不到桂林花放日已疑瀟灑近蓬萊

齋宿湘山寺

不為開誠悟日南何緣覓定入湘庵凋殘寧忍佳兵
問辛苦應從節使甘曲磴廊回花正紫殊方僧化頂
猶藍心齋一夜流塵掃聲鼓雲霄靜客談

全州道中松

自全州抵省二百里皆合抱大松
夾路路以石墁直貫全省深阻坦

露庶天兵易下想見秦漢來服粵規模
至翠擎華蓋示我周行又天下所無也

當年嶺外歸秦路海尉攔時猶是新再遣西京崇信
使無將黃屋老夫臣蒼龍密護朝元驛雕結驚回舞
羽春萬古清陰凋不去多年風雨化龍鱗

七月二十二日桂林署中拜疏

香貫書前奏九重寸誠親掬入丹封無由對御酬
清問却想開緘賜笑容落案舊章隨火結穿山新
驛報邊衝此中咨決誰應鑒舜日高臨一萬峯

桂省看山獨舊藩門前盡得其妙

羣山四野參差見坐向藩衙秀始齊粉堞周遭闌佔

踞青天恰好露端倪雲穿石罅蟠龍脈風度花香盡
木樨聞道鄒枚曾授簡梁園誰把聚奎題

懷潛庵快圃愚山三侍讀

幽蘭話盡心難盡各抱傳書密翠微肖說圖從天授
起如齡風拂講筵歸那行朗王驚新語徒苦蠻煙甚
舊非月湧三江秋漸老空衙永夜敞雙扉

不復晤垣臺諸友悵然有作

記當分合補龍文曉立霜花玉一羣氣湧含香三殿
徹聲傳鳴鶴九天聞政期未報遲三月國是同爭足
幾分部省近來與革未諸公對仗我從軍

寄吳廬繹堂王階三學士

綺黃未洗縱橫氣王魏空於師分多 帝簡青臣兼

禮樂 天回玉色接中和幸來四學高明極問向三

疑仁義過好共 儲皇尊 聖教道先董賈後蕭何

桂省逢丁祀謁聖

桂海秋香碧落森宮墻日月仰千尋周流不辨回車
處坐奠如聞倚杖吟隆顙當筵衝紫氣及門一色鑄
黃金誰知鶴嶺銀江外通有師承孔孟心

桂林城

蒼翠橫斜築桂城旌旗插處怒雲生當關虎豹頭頭

出負郭人家面面驚百雉為山從石寢五衢何日見
人行如天共喜今垂拱正好高岡有鳳鳴

二

石架危樓接太清一聲畫角紫霄晴人遊交趾安南
界鳥向三江五嶺鳴媿視民傷難望歲乍臨天險易
談兵半生搖落驚心眼雲白山青看桂城

三

謝使畫疆原盛事同仁益復有魏功風清獨秀朝羣
嶺龍喜雙江會大融桂管唐開經畧在始安隋下指
揮同縱看九郡十三部共在吾皇雨露中

四

王會梯航款玉京各天環海呼嵩聲真珠金鎖通朝
使藤甲竹弓擁護兵名城自照千山翠為政誰如一
鏡明共起絃歌迎化日賢良努力造昇平

因而園漫興

遶郭青山那弗園還穿白屋接僊源豈期櫪馬當衙
出猶許床書信手翻睨睨聲來畱客屐芙蓉風裏到
江村祇今四顧桑連棗似已歸田拜主恩

西粵桂林地最高殊俯視瓜連諸省風氣不遠

中州

不信炎荒四季秋，乾行灑氣逼中州。東西既有江雙貫，南北湖皆接下流。襟帶五鄰先揖讓，開通萬國後徵求。恩深才淺愁難報，慚愧節幢一日留。

公餘

下省關心萬慮輕，垂鞭處處傍谿行。市廛盡是侏儒狀，言語曾無慷慨聲。孔翠臨巢雲欲紫，桂花新發鳥呼晴。迂儒敝帚時吟弄，不是蕭張管葛情。

公解當牕一桂九日初開香貫室中不無所思

因賦

艷拂東籬照菊杯，客廂清卧木樨催。巧從花笑分香

出，歷露紗穿遶座來。不惜霓裳今夜舞，可憐桂海一枝開。曉傳畿省誰先雋，縱馬鳴鑿晝起雷。

讀唐史

綠槐朝雨隔牕看，舊板唐書讀未殘。王佐盡從文中出，真人獨得上皇歡。多才締造歸臺閣，盛在遭逢振羽翰。花發堦前香在室，擬將梅信報長安。

嶺南風物

深秋松色當風翠，花亦曾無一葉髡。架鎖人言鸚鵡距，石鐫雲母荔枝盆。傷弓野鳥呼難下，宦海鄉思好耐煩。寂寞官衙仍屬州，館人無米授饔飧。

益津鎮州燕山三尚書各能立其家因感

三鳳驟鑿 聖主收才名一日撞煙樓星辰共曳尚

書履燕趙同分 帝室憂各有家聲騰輦下不違咫

尺在墀頭寒儒獨擁僊魚業浪與諸君結伴遊

挑燈讀宰相年表

告廟宣麻社稷心都將吐握付虛襟趣裝不避蓋公

舍出隊仍為丹宸箴魚水歡來三顧晚芙蓉幸處五

雲深千秋多少絲綸客陞萬香生老翰林

憫粵

翠岫當衙憶紫芝軍麾口擁採何期雲根空有江源

湧天未誰將潤屋支湖海魚龍交晤處牙旗風月曉

看時不嫌男女俱徒跣獨怪鬚眉似虎貔

猺七民三

遊七星巖

板橋鐵鎖四船船聲落花驄舞水邊入寺柔松疑折

柳攀巖古洞另開天星辰幾點當窗掛日月何將長

夜穿奧處密驟鸞鶴駕笙簧應向玉虛傳

登獨秀山見郭外羣峯露擁嫌其突兀因盡更

為萬秀山

閒憑獨秀鳥關關遶郭都名萬秀山酈註未分衡岳

部周官應入采畿班鍾靈忠孝成華俗煥發文明洗

洛頑咫尺虞皇天路闢高飛燕雀度恩環

蜀相

漢業曾無片壤畱卧龍左袒再鴻溝共寒曹胆親江
表稍寢吳聲霸益州唾手三江生割裂笑談五虎趣
封侯西南不是東風猛錦繡山河那姓劉

棲霞洞

入是石窩看是雲僊禽海馬各紛紛幾回舞杖丹書
穴一簇天花絳鶴羣嶺外佳山猶此在老來好話及
誰聞塵情長得煙霞賞澹水名香答 聖君

同署中諸子觀梅小集

同遊梅嶺春風外攜手仍看遶砌枝露地香生霞點
照冰天回首雪花疑獨憐絕色輕金鼎不為傾城倒
玉卮却憶磬階雲爛處春來別是一佳期

桂花盛開入夜得雨計九日謁虞山拜賜

誰仍倚樹問花妝霎霎甘霖總則香一掌金莖傳桂
海萬家藩口下瀟湘松吟虞廟龍蛇動雲出堯山禹
稷忙暗喜蒼梧還潤色茱萸應得薦羹墻

壬戌二月補行辛酉鄉試闈中即事

香含獨秀一峯尊闈啟花朝舊典存一代夔龍驚寵
命三江風雨度天門暗中摸索渾佳士簾外誼譁某

解元辛苦文章應有用 聖人此日正臨軒

避暑

八

家山素願空初賦雙鬢臨江畏暑來投足煙霞三問
路關情鄉國一啣杯匡床倚樹風清灑精舍干雲牕
四開太虛此際誰容着領取新涼帶月回

棲霞寺

當衙處暑不勝情匹馬單衫江外行金繩花色簾前
照木末清風榻下生未到窺泉先見影不勞彈指已
聞聲栖遲漸覺心無事熱惱新捐出化城

中山詩鈔卷之四

中山郝浴雪海甫著

近體 五言絕句

塞下曲

東海飛明月金天渡曉霜譙門一嘯發戍客淚千行

二

紫塞三千里黑雲十二時悲歌霑乳酪風雪度燕支

三

沒滅鬆班馬石頭飲羽傍秋空鷹眼怒舞爪似擒王

四

銅吹百戰法幕臥萬人師陣陣生竒正人人望羽儀
五

顧盼驚風雨韜鈴動鬼神平章高麗事聞有洛陽人
六

紫貂披絳雪深谷滿龍鱗不拜嫖姚將名王未可親
鷹

風颺知氣候爪距見英雄萬里驚狐兔翻身一顧中
為梁蒼巖致雪

雪花開似掌曉路發天香共此鳴珂夜一卮上玉堂
龍首山樹下

老樹東峯頂羲皇一覺眠花香生萬戶靚面轉青天

近體 七言絕句

夜坐

灘聲清絕橫侵耳月色分明直頂頭不有閩南山似
畫也應詩興滿江流

江聲

龍爪曾傳嘉水名錦屏山脚亂雲生雲生怪石雄如
獸敵水常聞鏖戰聲

溫泉

紅泉一斛萬重霞醉殺春風解語花此日洞開山翠

迥三秦獨放紫河車

南塔寺葵花

濃鬆秋色自西來十道金繩界不開竟遶葵花撲槭
入平明催出化人臺

二

翠擎衛足仙人掌金布鶯黃帝子花莫憚霜飛常五
月今番生在聖人家

三

種到銀州世界分黃裳不改舊衣紋但教阿練飛龍
女不用瑤池散彩雲

四

旭色平銷金氣乾闌珊尚與露花團依稀似聽如如
笑花裏來尋五佛冠

五

芽茁仳離葉作支金風不動出疎籬化城高掛三秋
日正是葵花欲放時

春日雜興

三春晴色滿郊垌萬戶明珠下草亭甲騎不鳴山海
外雲消天際柳條青

二

中山詩錄
十言絕
三
滿載鄉情一野車
艷陽時節下天涯
南園舊聽黃鸝
日東海今飛白雪

昭陵

虎帳重開龍氣升
甲光真射海波澄
至今虎拜三韓
旅猶灑涕痕望北陵

宿李吉津齋頭時吉津將拜 賜環之恩長子

思行來迎為賦三首

大荒風雨五更鐘
布沙匡牀誰與同
攜省高堂家萬
里夢回山海不曾封

二

雪消羣水盡西流
草色連天焰紫騮
眼見春風雙袖
舉翬飛一片錦雲頭

三

燈紅茅屋酒盈卮
玉樹青蔥冠紫芝
躍馬看雲來萬
里揮毫為作採蘭詩

送剩人入千山

欣聞鳴鳥司鐘鼓
更有赤烏艷海棠
人馱千山花氣
裏月升三島水晶傍

贈剩人

雲開窈窕桃花洞
雪落霏霏洗耳泉
我正不辭千日

酒君來莫帶一分禪

感舊

昔出蜀以五月至利州利州有風穴能為
唯雄之風余繕疏公解暑不能侵及六月

至褒州留數日而褒州又當谷口竟日風生
余每披襟露坐若七八月之間西川解造小
扇畫桐花鳳於其上搖之清涼可人三者皆
風力之選也而扇為極致余伏處天末造草
閣三間軒窗四開雖不免於飛霜
之日而當暑為快因感舊事有作

天半峨眉錦水流荷風滿載一扁舟清涼記得桐花

鳳不換褒州與利州

夏日

草閣花紅乳燕飛分明天嬌露精微等閒懷抱清如
鏡造化從人一路歸

雨

海雨龍腥濕絳紗銀州火麥夜開花遥思故國薰風
裏正薦青門五色瓜

春日信筆書懷

偏憐日月簷間照亦有麒麟階下行何事陽春稱有
脚纔投一步失生平

二



兩河懷畏傳聞喜粗細經綸說相州綠野錦堂原有
見糊塗不似呂千牛

三

醉吟濯錦出師表
醒看窮廬戒子書
最是升沉都失
據一編風雨廢居諸

四

憤發幾番成畫餅
參差一步即飛蓬
從今撒手無言
罷不脫蓑衣臥月明

五

何地尚容張祿住
誰人真似范睢寒
可憐野水終朝
綠不見非熊揭釣竿

六

芙蓉峯裏石荷葉
簇簇攢攢盡我家
何故又來塵土

上趁他韁鎖作蓮花

七

臂未垂雲身已墜
丹猶在鼎髻俱霜
半生蕉鹿成何
事空逐飛花落葉忙

八

家散椎飛四海愁
身危舌在七雄柔
丈夫何用黃金
印自有陰符鎖列侯

九

不堪四海橫驕氣
萬忍千柔一丈夫
天道偶隨潮浪
捲仇人八面入姑蘇

十

燕士喜談三尺劍吳兒好語五車書
請看江漢秋陽後奕奕鬚眉玉不知

十一

羽士尚能看騶裊閣黎也解拂吳鈞
豈其束髮稱儒者反卷障泥謝九州

十二

三秦虎士成魚麗東魯門人護絳紗
新建英雄誰得似翻身直入素王家

十三

草履高登百尺樓漆園獨狎五湖鷗
誰當命世還超世攜妓麾旄總黑頭

十四

雙屐扁舟都入恨錦堂麟閣盡蕭疎
天恩只許歸龍塞消受周公孔子書

十五

居彛浮海吾師願千載閒身一日酬
箕聖讓王誰錮汝佯狂斷髮自風流

十六

金甌覆處玉門開五色雲擎彩日來
大地蒼生都入

畫人間始覺艷陽回

十七

迢迢一水六橋穿家有香杭雪藕田記得東風桃柳
綻都攜酒上白龍泉

十八

齊來無復舊參差九族芝蘭一字排盡作葵花傾舜
日爭開鳳羽舞堯階

十九

春成丙子已三刻錦繡山河彩日飛萬戶千門都燕
喜畫堂簾捲子孫歸

二十

非是無端尋苦受難堪世界苦人多何時放膽酬恩
義四海蒼生盡浩歌

辛丑長至同自上人登藏經樓禮藏

安排青眼看闍黎貝葉千章酒一卮諸子百家今見
在可曾窮理至於斯

二

似銀顏色久知名身與如來作弟兄不是他家能載
筆因何吾土有傳經

三

藏經曾把肉身殘一字西來一字難為爾中華心欲碎如何只作等閒看

四

中原也有聖人僧蓮舌呼來蓮舌應纔以唐言翻密藏又將慧命接禪燈

五

神皇聖世一垂旒鹿女因緣滿帝州為愛真經能度世至今藏在九蓮樓

同金部度登仙人曉藥臺謁三皇祠

煙霞一杖出風塵紫極重開九聖人水遶山環看不

盡東南十里艷陽春

二

蝴蝶飛飛花滿堂誰知採藥謁醫王饒他夢破南華醒不似桐雷盡國香

寫竹

蕭疎不奈火雲然風雨蛟龍一夜還最是高明仍作睿翠梢依舊拂青天

春日

綠水日當階下過青山常在眼前頭今春偶到西門外雙手推開十二樓

偶到後書齋醉飲

泥中自有乘風駿燈下偏來窈窕人
咫尺啣杯成樂事誰知掌上出家珍

明李西涯相國

賜茗文華玉殿前東陽還補豹房天
一從御膝書麟後調護皇家四十年

湖上佟莊老梅枯矣偶止其舍至陽月忽生數

枝葉綠花香為賦一絕

梅老根寒造化爭春風昨夜五雲橫
到來依舊香人國却喜梅花賦廣平

西湖

綠樹如鬟臨水鏡荷香時拂畫船來
盈盈冉冉從君看樓閣空中八面開

二

隄中楊柳都搖落誰種明湖萬頃蓮
十里紅香穿不透也知世界在金天

湖上贈趙君鄰總制

越水芙蓉綻曉紅蘭橈呶啞畫圖中
怪來香滿吳山外一鶴一丹有獻公

湖上贈嚴就斯狀元

宮袍斜剪鳳凰池
荷葉輕籠鸚鵡卮
棹入裏湖香不斷
妍紅如醉雨絲絲

汎湖

空山鶴放客蕭蕭
細雨蓑衣攬畫橈
漆吏大樽渾注酒
乘風直抵跨虹橋

秋日湖上寓目

桂老香寒湖影侵
都將國色付楓林
饒他仁知娛山水
誰解天工描畫心

江行

聞道蘇隄錦帶中
荷花十里正鋪紅
誰將香露醅為

酒洗屐池頭餉謝公

二

楊柳青於天竺樹
藕花紅入湧金門
西湖正值良時節
却憶家藏河朔罇

湖中

空碧橫斜水國開
遙遙翠黛四州來
仙亭整日無塵跡
猶引清商奏落梅

二

一陣天香落照邊
君山斜對艤舟前
木樨滿樹黃金燦
直撲蒼梧萬里天

三

旋解雙帆問舊醅
漁燈佛火暗相猜
更闌一棹光明起
獨有龍珠出聖胎

汎湖

曾飛天馬雲為路
何似蠅蝗懶作蟬
鴻爪於今隨雪罷
西湖別却已多年

二

只道國香能解語
誰知湖色艷於花
綠雲擾擾疑鬟立
儘著清波沁紫霞

山陰道中

曲水猶傳脩禊事
將錢誰買謝家山
今日過來親解纜
曾懷分付畫圖間

紫伯

紫氣橫眉玉不殊
前身曾否是麻姑
風流莫作傭書看
寄語鳴琴上大夫

娥江別鄭博物

臨江一讓不勝情
潮湧風呼舟已行
多少故人珍重意
隔江相顧手猶擎

放鶴亭朱園

於今樵麓過藤杖
溪漲分龍撥棹來
芥裏滄桑能幾

許移君梅嶺作蓬萊

吳江遇風

江澄如練樹如藍舊舫輕橈欵向南忽借一帆如駛
疾斯須風雨接高談

吳郡買楊梅

陽山梅熟荔枝紅正好調酸摘滿籠塵裏書生誰識
得百花洲上喚吳蒙

常熟縣登虞山絕頂時蜀人李溥作令

兩湖雨洗仲山青有客高臨暢遠亭二十餘年今日
事錦官親得見題屏

邗江

海日紅生鸚鵡杯邗江畫舫一帆開瓊花傾國猶堪
恨那復平山潑翠來

自儀真泝上江陵

卮酒孤蓬鴈一行六朝佳麗久滄桑英雄更莫耽江
左辜負青山滿洛陽

偶過荷館感賦

一捻芙蓉綻水生雙雙白鷺掠金城年來早煞梅花
樹誰問當時舊廣平

二

錦浪荷花遶郭開千條楊柳一黃梅畫船盡載南河
酒洛下書生攜妓來

仲春西行經北嶽祠下

嶽勢雄蟠天黨來碧空遙拂曲陽開偶然紫府探玄
奧若個還推僕射才

望嶽

馬山看嶽噴吐騰閃似昂首而曳翅疑即所謂飛狐嶺也蓋嶽勢本盤於渾源自石

氏一割中原不過望祀或指其翹然共見者以主之乎千峰萬岫莫非神峻况直冲霄漢翠色凝天即拜信以為玄極之宗可也

北望騰斜勢欲飛高明不分萬山圍天家從此崇瞻
仰認出重華舊翠微

二

逶迤南北自橫斜一陣常蛇鬪五花總是石郎割不
斷千年埋寶有人家

西北名山以萬計偶於丁未仲春探得三山最
別而絕未知名其一平埋大陸內藏奧區曰
謙山一劃然中分如試太鐸曰解山一滿抱
玲瓏窟宅呼之立應曰靈山因為二絕以記
之

他山空自露精神密啟玄關絕點塵只守伯陽一掬
黑肯隨日月浪催人

二

一劍中分萬壑驚磨雲猶勒兩藩名狂奴已善屠龍
手血指應輸舊北平

入崞邑喜見稅曦寰

藜艷秋陽照夜紅錦屏風雨各西東
我眉翠撥青衣綠一握如蘭滿目中

二

閩州心事屈蠅娘已辱泥塗十二霜
不道今來過大鹵故人猶自識行藏

次崞縣將入代州先寄陳祺公兵憲

落廓啣杯日月邊曾逢輯玉下桑乾
今朝匹馬清涼砦還欲重尋五髻仙

代西重逢趙蒼篆

衰斜月落曉雞聞匹馬嚴裝咫尺分
事往名傳人漸老夏壺風雨更逢君

代西謁晉王祠

句注雲埋石馬嘶英雄已沒太行西
不知何代留遺肖併把復仇亞子題

擬遊五臺不果

二月欲自龍泉上五臺不果因南渡沱水下井陘出軹關盤壽

陽而西復入太原久之北經崞邑留於代州者三日將循靈丘馬關而還數百里中幾遶

五臺者一匝此願終期於再來其有故乎

五髻雲梳翠接天紅塵許雪再齊肩金風已見花飛滿路掃何時舊榻前

長城

插箭嶺於萬山嵯峨之上盡跨以埤堦樓臺關鍵數重仰視如在天際青松野檜爛然繡錯嘗見大江舳櫓狎於蛟龍波浪之間險難飛渡而長城亦蜿蜒萬里於紫翠萬狀中女牆如畫極目高瞻惟鳥道可通江山之勝如此而廟算未深每成虛設是何三才之理必待相稱而後歸一耶

萬仞青霄埤堦懸千年紫氣抱幽燕天家莫恃金城在開闔只於呼吸間

得開字

羣峰曉簇畫圖開紫翠千重湧起來一片簫聲雲外發山河表裏盡蓬萊

春前四日偶咏清涼二大士戲醒藥師事

上將彎弓獵五臺明明蓮沼並頭開婆心暗裏誰能識只說金身也劫灰

回入曲邑謁嶽祠用李吉津韻

仙山矗矗出紅塵一醮天香萬物春更欲崇朝天下雨帝庭咨嶽起斯人

二

戟門宛轉啟春風路入瑤池碧落同化日當頭無個

事光華隨著意昭融

嶽祠右老柏聳立鄉人以為龍頭鳳尾睨之良

然

鳳舞龍飛大樹名尼山檜影許縱橫不圖仲聖聞韶

後髣髴笙鏞奏九成

中山

燕山南來自曲邑忽轉而西中歷行唐靈壽地環平如掌於獲鹿始有掛雲接之乃

常山別派就中豁然大露而莫之過蔽者為中山河北諸水大抵發源於太行之外其穿太行而入如滏水沙水滋水滹水莫不自中山之西南遶出東界北趨至河間之天津而宗於海其自西北之保陽易州唐縣完縣曲陽西南之阜平靈壽行唐獲鹿東南之真定新樂祁州博野蠡縣東北之安州天津河間皆水遶山環廓然開通為中山之地故自唐

宋以來為朔方大鎮而七國之際獨創社稷與天下爭雄殆非真保所得比稱者也

波濤狎起太行關天府獨開督亢間幾度游龍藏不住千秋河朔見中山

偶自太原北來有閬州劉子問愚於崢嶸然感

舊立賦四首寄全川諸子或有見者偶一吟

玩庶幾與從晤語乎

蜀國文名滿漢宮何緣龍爪漸銷融陳家兄弟讀書處近數阿誰聚火蟲

二

錦官秋色冷芙蓉曾把軍麾擁臥龍此日孤踪還抱

膝魂銷玉壘幾千重

三

大小眉山玉不如漫天風雨見君初
灞陵已恨八千里誰更白狼寄鯉魚

四

擬棹歸舟灩澦邊山開江底看花然
一時拂袖金牛去夢遠渝州十二年

歸里

細柳新黃馬首西歸來深綠障山谿
磨笄春色今何似及唱驪歌醉似泥

綠牡丹

碧影森森玉作枝春風曉日綻青藜
仙胎已自空姚魏况有丹山綠羽儀

二

國色平將造化分芭蕉猶欲濕紅雲
花王獨解開青眼翠黛重描九烈君

三

青蔥玉樹碧天涯香滿瑤池不見花
却在葉中還似葉松筠一路傲煙霞

字黔生吳樹青

玉樹青蔥出紫潯
絳霄閃閃月森森
春風一到棲霞頂
露地香生彩日臨

又字傅梅臣

一抹丹青下九宸
人間從此識梅臣
袖中聞有梅花賦
盍往巖廊拜聖人

又字向堯鄰

才子登庸帝作鄰
凱元誰是後來身
愛君自寫南湖水
不著胸中一點塵

武侯曬甲石

不毛深入幾千秋
還有當年曬甲石
顧我何來哭且

歌摩挲流涕在今夕

二

益州初定角吳魏
魚水英雄已上賓
獨破牂牁來曬甲
至今風雨簇龍鱗

三

從容綸羽自書生
萬古爭傳管樂名
日霽紫池曾曬甲
風回銅鼓正提兵

四

西和南撫計隆中
此日旌旗壓陣紅
解甲只須閒抱膝
七擒七縱已成功

五

芙蓉城外甲光開
魯向黔陽一曬來
絕代風流誰作伴
橫行天下自奇才

六

未將火濟封羅甸
雍閩軍前首欲梟
片石拂雲方卸甲
天威已度碧波橋

七

麥冲尾灑百蠻路
盡有瑯琊飲馬池
千載忠魂何處覓
龍紋石板月參差

八

漢馬唐韋皆有名
大勲孰與臥龍爭
鐵橋銅柱今俱在
拳石獨高貴竹城

贈玄武山完上人

天花滿座老闍黎
名臘雙高五嶽低
獨看海珠明寶掌
誰函白鴈錦江西

慶比丘年在六羣之時
聰明可讀書余勸其父
使得業儒以行其宗
恐未必聽然余顧未能
已於言也

代有箕裘即寶車
紹隆何必定袈裟
君修波若兒還國
留點書香傳世家

二

舍戒還家為報親大雄豈敢墮天倫不爭父子齊披
薙誰作荒阡拜掃人

三

佳兒鐵裏漸錚錚收拾猗蘭出化城君自逃名君自
了分頭存下者書生

感懷

中元後一日於黔中照壁山見一像初出
鈞陶而一二攻金之士以水石磨礪問之
曰夫子也稍焉太陽旭照光明四被時浴方
有至痛在中仰摩金容河海爛然不覺淫淫
淚下也念浴深思密証探聖人之道過二十
餘年而一旦失所天於戊申之秋親恩聖道
愈攀愈遠是蚩蚩者且表裏摧毀不復有生
理矣今儼然見吾夫子何啻吾親二十年前

後所思倘亦有再見
之期乎因占四絕

天理何來玉一團兩儀重把兩輪安不圖無裏生來
有萬古千秋許再看

二

聖容尚得黃金鑄何日嚴親立畫堂空把孝經摩頂
授大來從不在身傍

三

自恨風塵遮面目忽看金色動衣裳思親却得誰如
在淚血瀾衫拜素王

四

候盡光生五彩殊如聞海口伯魚呼何緣入夢同參
氏萬卷重隨膝下娛

八月初五日希正來別賦此併示次魯堯鄰

白鶴羣飛露一團香生滿座盡芝蘭相思計到重陽
後南省賢書手自看

寄答梁蒼巖宗伯

郎岫煙青火禁開尚書吟罷踏春回霸陵舊尉休唐
突聞說芙蓉玉輦來

二

忘形廢禮咽紅塵萬事傷心是此身生死都為劉毅

薄却從誰許鑒人倫

三

天當咫尺未朝天還已及門不是還良夜深杯酬去
住曉風遮莫杏花然

四

酒闌竹爆一書擊艷語魂銷滿座驚康海琵琶楊慎
曲重番新拍保陽城

又寄

西堂康樂簡新詩正擁籃輿下博時危渡縱橫滹水
外相思無路影參差

二

勲階從滿中書考罪狀空傳鄭俠圖仔細九天投杼起殺人應不在迂儒

三

裂麻諫議曾何補好手經綸孰與儔俯仰平原十九輩趙人從不負諸侯蒼巖贈章有先帝猶思用趙人之句

又寄

桔槔汲井水平分對語黃鸝不可聞一葉虛舟藏萬壑空嘶白馬恨離羣

二

深柳條條水面齊漁舟晴繫畫橋西漆園蝴蝶遽遽去十里紅亭候馬蹄

三

贊皇偶得返平泉摩詰何曾在朝川咫尺常如千萬里雙魚萍水計投鞭

四

百頃青畦白鷺飛簑衣明月幾時歸風流獨有江東謝調鼎餐霞兩不違

抑天竺之學

別去君臣從鳥獸拋他父子愛山川當時既把人間

棄却望人間有好緣

無題

圯上從容試子房
代州瞻顧識黎陽
岐途一向逢高士
時倚春風佩智囊

二

丙夜蘭缸錦幄明
曾看趙女理秦箏
一時誤作郭門柳
絕代風流讓步兵

三

艷色當筵燭影紅
石家日夕撞歌鐘
千秋欲覓真經濟
淡泊終輸老臥龍

四

吳鉤雪刃白蓮裝
紫氣千尋射斗傍
休問當時三戶識
人間知有楚優妝

五

無復東山屐齒香
空餘舊恨滿滄桑
挑燈漫自傷春暮
曉夜孤飛二十霜

六

緩帶曾聞尚黑頭
只今獨老鷓鴣裘
孤館黃昏燈欲灺
誰家和淚撥箜篌

唐城二月二日河燈竹枝詞

花朝龍氣曉來升
龍躍花開好放燈
點點瑠璃推入水
水下看星斗綠波澄

二

烏衣密匝夜光凝
爆竹聲中下彩燈
赴水纔如蓮落瓣
迴風更比魚兒能

三

橋上花催橋下同一
枝花是兩枝紅可憐
兩岸沒遮攬
都在芙蓉鏡子中

四

爛熳銀河一掌平
青蘋猶傍艷歌生
晶宮不是金蓮

地羅襪今番仔細行

五

七曲雙泉香火情
來歆田舍與書生素
封都到龍華會
咫尺分明見火城

六

中和時節鳥呼晴
夜出籃輿侍女擎
花發河陽萱草綠
仙鄉難說錦裝成

七

朱雀橋頭瓦舍青
洪洞舊郝滿唐城
寄聲一脈同宗子
好好花前為弟兄

八

傳說蛟龍滿地行露香五夜出唐城至今火樹迎人
著藉藉猶聞念佛聲

九

許嫁今年又不成臨淵無語羨春生紅鸞照水明如
畫一尺金鱗比目行

十

畫船不繫柳條鬆也釣魚兒也釣龍今夜打從花底
過山川親用紫霞封

感懷

幻影雖留心已狂餘生那復費商量臣忠子孝今何
濟一曲離騷歌鳳凰

二

悠悠笛子落山陽剪剪燈花泣孟光手把孝經讀不
下孤兒昨夜淚千行

三

汗泥漫說紫蓮香已任飛奴玷玉堂棋子不妨輸這
著車兒只管避螳螂

四

南園畦裏有筠篁斜坐石頭引一觴不見當時活孟

子苦從章句覓書香

南園春日

鶴亭面面盡垂簾階下陽春漸次添不久文章盈大塊
鄴侯空自鎖牙籤

二

迢迢綠水遶吾家一樹垂楊一樹花這裏臥龍豈不
好人間只是愛宣麻

三

春風還是柳青時畫閣晴翻酌酒旗橫跨玉驄沿路
問誰藏玄石舊玻璃

咏竹

獨立風霜二十年忽凋蒼翠在春前不爭君子甘憔悴
誰更青青上接天

二

葉落根深節未寒漫隨時候一泥蟠到來雷雨蛟龍
起日霽風清一萬竿

忍冬藤盛開辛香沁人濕熱之氣大驅次兒讀書此堂詩以勉之其曰羹牆蓋帝里祖德咫尺於斯也

鷺系藤上五雲堂侵曉開簾入露香靜坐知消邪氣

盡還能書裏晤羹牆

偶題

莫大文章聞魏公
斐然今日與誰同
靜看九曲圍堯
里終有人歸畫錦中

黎陽謁端木夫子祠

黎陽松色蔭龍鱗
廟祀千年翼聖人
辟穀臥龍纔髣髴
已能草昧發經綸

其二

絕代聰明入聖優
楷林獨自六年留
宮牆富美從今
入日月雙懸遮莫遊

將入葛公清虛山以儀哲誘致香巖戲作

濯濯冰壺徹鳳洲
誰堪繞指玉人柔
春風誤入香巖
路雲裏晶牀度並頭

登葛山清虛最高處望山後羣峰如黛

簇簇青山畫有名
得分片石足生平
况當紫翠千重
湧身在清虛頂上行

上清宮

石欄曲竇綠陰斜
宛轉薰風入道家
鶴鹿不鳴神谷
靜虛巖細寫紫荊花

題上清鳳凰池

閭闔驚傳帝命回鳳池鶴起五雲開翠華無數圍松
柏飛報山中宰相來

步傅文毅尚書韻

嫌說三山五嶽遊孤懸聖業已千秋今來偶試神仙
訣權把身為世界畱

上清宮汲井

五雲高處做人家葛井親烹雀舌茶一陣香來驚立
起宮門幾樹木蘭花

雲起天風臺

千條雲氣曳風車橫捲煙霞臥著書誰信海中銀世

界和盤托在上清虛

雲

雲攤牕外梅花色十里青山雪路平二十餘年蓮岳
榻今來重下葛先生

夜坐

星河好月科頭坐松影茶煙玉瓦清漸久漸看天地
亮一輪新月報光明

醉題銀州酒家

已放中秋好月回重陽未到菊花開今宵不買銀州
醉枉向黃龍荷鍤來

一
酒肆燒燈殘月生霜天白鴈入雲橫如鸞總晤嵇中
散命駕終愁阮步兵

三

可能數墨老餘年末路茫茫那著鞭遮莫安豐憔悴
極支牀飲酒蓼花天

刈韭

草閣風簾今早晨雨聲驚醒灌園人綠翻畦韭滋蘭
畹自起承筐餉四鄰

銀州葛米美甲天下熟為粥甘可忘肉園有菊

數本未重陽前紫蕊娉娉偏艷於日高粥就
之時懶人持粥而玩之清甜之趣未易為吾
徒舉似也

葛米流脂玉液漂東籬紫艷自妖嬈浪傳茶賞強如
酒獨有痴人飯一瓢

近重陽

旭色寒生燕不巢炊煙和露濕花梢三朝又是重陽
節依舊青山滿四郊

銀州有菊重陽大放是日攤書滿牀然徒用忘
憂非真有古人益智之美也蹉跎入夜已就

枕矣忽念良陰好境屢成拋擲因掘起燒燈
而賦之

衝籬紫艷落寒香白晝攤書夜撫牀終恨今朝愁裏
過起燒紅燭送重陽

囑鴈

霜打蘆花鴈起羣銀州徹曉萬聲聞玉關雖隔陽終
在莫亂長行下五雲

春日雜興

落日孤吟野水邊暮雲千里故鄉連一聲何處黃昏
磬海上今宵月又圓

二

青山一望白雲遮道是烏桓帝子家不度春風出紫
塞空和月色剪梨花

舊宮賜百官宴

對豎龍旗八駿還舊宮前殿醉天顏愛看連袂歌于
薦不見當時元魯山

抱陽山有燕國公讀書處

霜倒秋禾蘆鴈還寒家遙接抱陽山何時洗屐讀書
去回首今秋隔玉關

塞上

水向西流風向東紛紛落葉更飄鴻漸看綠鬢朱顏
改猶在他鄉煩惱中

曇首真公正公恥公不離步宗傳四世為賦一
絕

洞宗四輩滴親人生死千山護肉身問訊近來聞健
飯一籠山藥發精神

望駐蹕峰

癸丑夏日入千山過太子河望見此山在西南下憶唐史載太宗發定州

勉太子自結雨衣於鞍後之事因有此作

單車斜輦白雲行西下青山舊有名行在六旬曾駐
蹕驛書一路到唐城

時太子同太傅高士廉詹事張行成侍中劉洎中書馬周等留

守定州以待捷書因作城於堯里在涇水北即浴家

二

文皇笑指白巖墮高麗驚回烏骨平見說峰頭紋似
掌龍翻五彩至今成

有吏將其六兒以來

樵盡五峰爨炭屢乳鴉無復寄巢枝明知鐵嶺刀兵
慣且椽恩侯養六兒

知天

羈民招客兩同袍從此休將天意朝願去願來各不
等如何一樣繫瓜匏

二月十八日夜臥不寐起吟二首

空牀重起夜何其雞唱三聲月轉遲煩惱只憑書作
伴相親依舊秀才時

二

熒熒小子夜啼廬獨坐挑燈展舊書萬里泥塗行不
到推尋相業殆何如

感懷

葉已辭枝落未甘秋風飄泊到天南無端自解吹簫
恨何必人間更脫驂

賞花

春色分來自杏壇何人不道酒腸寬窮邊見爾非容
易請更垂簾細細看

平母之賢賢矣顧愚曾識平子於真源之座今
二十餘年再晤平子而真源遂已作古乎感
賦此詩即正平子

翠落燕雲舊好分重來一倍惜離羣越州無復蘇州
范誰解租裝持贈君

贈江南何亮工

萬點桃花酒一杯黃金築處鴈聲來勸君負米還家
好休信書生天下才

飲宗伯梁蒼巖齋中

燕市梅花樹兩頭一和金露一添籌休嫌海鶴更鳴
向物望翕然在鎮州

太和門應制

五雲開處見金鑿萬里孤臣一寸丹 聖主幾回舒
廟算江河同日砥狂瀾

二

魯向留都禮 至尊九重今日拜新恩何當 聖帝
虛前席慚媿賈生太息言

至後病起雪夜挑燈哭周伯衡兼懷往事九首

西庄驪唱杳難攀天蓋累臣竟賜環今夜一罇為汝
酌重泉遙隔穆陵關

二

悲歌燕市曉鐘疎顧我猶酤蘭液居更不梳頭趨畫
省酷吟陸九愛君書

三

高濶相然幾輩行招攜輪日點衣裳可憐酒後痴言
語常說中山有鳳凰

四

粟尉押封鎖鑰開萬箱白粲一塵埋饒君多智欺張

詠笑踏碁聲有吏來

江右平準倉貯粟十九萬久飽
蠹胥公欲盤查胥借漕糧充抵

轉眼皆空因伺公嗜奕俟其戰酣即具出陳易
新領狀求簽及後任交盤惟空領一篋而已

五

武昌城水接南昌宦海雙留詩一囊歛汝無棺仍汝
恨虛名安用入封章

六

擬汝才名杜瘦邊何期憔悴落湘川殘魂未暝遊何
處慈母今埋明月山

七

臥渴殘年對雪天何緣起晤月當懸臨風痛極翻成

笑還却詩書買命錢

八

高班齊上薦賢書真以君才授楚無聞道雄談仍滾
滾三年空食武昌魚

九

秋深雨落八行開籠鳥池魚費主裁獨恨歸班舌尚
在相看狼狽到泉臺

挽陳大將軍

六盤拜表甲囊開夜望朝那子密來捲土應驚騎屋
夢良家子弟忍誰猜

喜雨

雷塘響雨夜生春
扶起溝中菜色人
莫倚調元囊有智
露香一瓣是絲綸

十二鳴鶴亭咏鶴

曾繞三山蕩海塵
蜀岡深翠曉籠身
層層雪色翻無那
一洗瓊花萬古春

二

侵階紫艷一園芝
天馬呼羣向此時
十二朱欄圍綠水
五雲高踏意遲遲

三

銀灣斜掠三千界
霜氣高含十二樓
五曲雷塘添月色
萬年甘露洗丹頭

四

九霄刷羽帶星船
偶息邗江若比肩
珠樹兩行分隊舞
萬聲鳴和祝堯年

五

白團毛扇一齊張
肯使纖塵落講堂
新栽玉樹今盈把
留作蓬萊六種香

夏日即事因曉諸商

遶砌青梅散海飈
風清旗路鳥聲和
國恩試上牙籌

算鹽少黃金不更多

二

畫鼓頻催赤羽摩市頭聲價起根窩孤懷此際空於
鏡曾是恩多是怨多

磬階梅花

在真州鹽署

絳雪齊肩海色分磬階新萼總連雲清時豈是徒芳
烈香帶甘和四海聞

二

梅酸海潤識天行官舍卿雲五色生磬折自傳芳訊
遠虛懷元不為調羹

喜雨

泰交雷雨九重回 聖主天懷一夜開從此乾坤成
大有歡聲八面入瀛臺

二

民饑仍苦輦三軍露禱深宮萬國聞雨到黎明桑孔
罷黃金如土馬如雲

甲午春夜宿庭中左壁夢一鳥拂頂撲入夏初
遂成遠役計今年辛酉二十有八年矣挑燈
再宿此室復當粵右之行首尾兩宿實隔一
世未審今宵復有何警深夜低徊不能成寐

援筆志感

白添牕隙夢初圓
屈指嚴宵廿八年
萬里重來今又
去好研吾道冀重還

題跨鶴吹簫

飄渺飛樓接帝鄉
高空無際玉人忙
冲霄一曲歸天
馬笑指離騷筴鳳凰

春遊

艷色天南二月中
桃花含笑舞春風
佳期正遇芳菲
節驛騎晴看萬樹紅

子房

代把金甌社稷看
愁來拾履一身難
燒殘棧閣猶回
首不是椎秦遂報韓

二

從容政府推名相
誰及河山借一籌
偏向高皇龍戰
日密從幃幄定神州

建武中不用鄧禹諸賢為相

錫智獨將元聖親
五番去就不嫌頻
如何束髮攀鱗
翼白首猶同陌路人

唐代無專相以三省長官充之

久利金璽帝王家
三品權同下白麻
慚愧無人識此

意曾聞亞聖說重華

二

秦王弱冠家天下
睥睨崇班綠綬人
政府休傳貞觀
好推輪終數漢君臣

房元齡

義聲席捲隋天下
萬乘猶爭將相名
反為清河包舉
盡調元無語四時行

二

龍門中說老師傳
婉轉花園三十年
莫愛司農髭鬢
美經臣推轂盡高賢

三

瀛洲十八共歸秦
冒死籌君一个臣
貞觀空傳名宰
相凌煙何處畫絲綸

四

第接芙蓉掃落紅
駕來親輦舊非熊
玉華握手還流
涕死袖征遼書一通

杜如晦

英爽安能尉滏陽

大業中作滏陽尉

風流自命謁秦王
慚崇

令德悲知己
墓表親題高侍郎

二

大唐王業仗羣才臺閣規模房杜開三百餘年名世
輩都嘔心血此中來

三

最是同心更有才收和謀斷用鹽梅蕭曹雖好還開
隙牛李曾無早世哀

四

浩然王佐轉頭空萬歲削爪祭蔡公更賜黃銀疑鬼
懼手持金帶哭英雄

魏徵

睥睨風塵驚五就蹒跚鼎鑊忽三薰孤懷獨抱空桑

恥四海方瞻堯舜君

二

臨軒解為干龍痛拜手明知稷契良及到櫻鱗圖國
是入宮猶自說參商

三

日月回天分外明從容補衮即調羹共來據席談仁
義纔讓遊梁孟子精

四

休推膽量絕千秋受學深從長者遊唐業已成仁已
效魏家金甕到街頭

王珪

靜闕簾幙燕嘉賓雅隲羣賢白聖人貌在凌煙功在世終饒子母識精神

二

王魏名高帝作鄰兩朝兄弟付親臣如何隱刺看流血青雀仍危乾庶人

李靖

文武兼才冠世雄深沉絕是漢三公兵書不謂無精處留鎮河山掌握中

二

十年渭水蓮花驛廟下親看問嶽碑陸起龍蛇神鬼怒瓊花萬朶正題詩

三

魯忤神堯舊不平褊公何苦妬縱橫名王解髮臣天汗莫使惟言高甌生

四

罷闔還歸政事堂楷模一代見蕭張越公豈是無風調自得隋權只做狂

李勣

割股燎鬚氣自矜相臣大業定難勝何當固寵危無

忌幸不忘恩短魏徵

二

無賴多年狙詐深推誠猶恐禍相尋押班故作疊州
竄引起粗豪機械心

三

密藉軍書表魏公神堯賜姓為孤忠大唐終雪征遼
恨憂國忘身向此中

四

搃殺安能戒子孫杜郎疎朗亦銷魂何如鄧禹十三
子閨範書香滿一門

長孫無忌

義旅開天先許國諸賢不慙托遺孤文皇文德同天
下生寫斯人入畫圖

二

杳如威鳳倚椒房兩器深隨將相行善避嫌疑嫌已
避緣何同日拜三郎

馬周

醉洗芙蓉神爽佳聲聞忠孝渴天懷太宗正御丹霄
殿四輩傳呼滿御街

二

鳶肩火色休嫌驟裴馬齊名有後人更是書生隨絳
灌九重奧處互批鱗

三

并建勲賢福聖唐刪煩舉要識賓王焚書惟恐彰君
過密奏時時說上皇

戴胄

蕭瑀逃塵一葉輕尚書總國付卿行貞觀宵旰圖刑
措忠槩偏於大理傾

張行成

隱隱沙毬抱紫微村名翠華親送錦衣歸至今唐水麒麟

麟社還說調元到永徽

二

高麗西頭帝用兵青宮監國入唐城幽燕奧處誰呼
應管鑰一時寄北平

婁師德

怒呼田舍唾猶殘囊括乾坤夢始安文惠雖深終是
淺乾坤密處已龍蟠

二

叮嚀阿弟更為柔寧解模稜學冀州味道贈冀州刺史為厭
諸君名士氣姚宋張崔輩未如平勃那安劉

三

抹額從軍進士身八戰八捷還拜相無端簾下露消
息一路英雄心相望

郝處俊

十歲歸縑負重名天官還向淇江行安餐乾餽胡牀
上遂破朝鮮百萬兵

二

鵠立乾封二聖間時憂革命抗天顏千秋長者傳婁
郝終是安州郝甌山

劉仁軌

裴行儉

魏元忠

仁軌行儉元忠輩盡是凌煙後死身弱冠虛襟交四
海千秋培出再來人

二

攀龍早不逢貞觀出身晚不到開元才能八面如流
水名節千秋苦戴盆

又魏元忠

公主猶然恨木疆羅經火甕萬重霜餘齡稍欲規明
哲猥詆申棖不是剛

狄仁傑

每見丹青禮白雲并州遺廟再瞻君太真猶忍將裾

絕誰顧同官子母分

二

龜帶緋袍玉尺量金書十二作衣裳思深鸚鵡隨機
釋只說天人未厭唐

三

雪涕披帷太子還龍門咫尺忽堯天分明七日包胥

哭四廟緣何剩伍負

深愛哭秦復楚之忠臣亦未嘗不極痛倒行逆施之孝子

四

桃李盈門似作周羣能密布在神州無言袖手看舒
卷半報皇唐半報婁

五

神鬼千年泣劫灰排天直欲走風雷奮心蒙恥開金
殿萬死廬陵向此來

六

手握金輪喚五龍虞淵洗日露雙衝當時將相兼行

未屢有人臣造九重

太宗自言身為天子兼下行將相之事其後狄仁傑張柬之郭

子儀諸公皆再造唐室反若代天行事者故云

張柬之

女皇八十尚傾城九九龜齡錫老生夬卦鷹揚描不
出長生殿下五龍爭

二

必欲求奇拜此人梁公兩兩暗推輪不圖鳳閣鸞臺
上來作周家革命臣

三

藏機堅忍無如晉放膽恢奇讓楚人晉用楚材人不
識一朝復辟見經綸

四

爪牙深布羽林兵大厦憑將一柱擎咄咄老懷非此
日荊州門外汎江行

姚崇

時當萬歲通天日獨決邊機掌夏官更入鸞臺調玉
鼎從容一七九重寬

二

時當五子為龍日共蹴金烏落海紅顧影忽驚成遠
慮重題雙淚上陽宮

三

時當繡輦來光範獨寫孤忠向至尊不是元良監國
早太平赤箭竟霑唇

四

當時並音轡呼鷹日六十鶴齡社稷身欲廣太平天

子意馬前滾滾露精神

五

才量無雙智獨圓
識時俊傑救時賢
自從貞觀諸君去
更造中興四十年

宋璟

貞觀大政墜塵埃
一舉朝儀九廟開
丞相正衙今奏事
史官隨著諫官來

二

一輩才名八柱誇
千秋風節艷梅花
人間無數押班客
只似清香在宋家

三

識量無涯老洛東
萬方猶想廣平公
誰能再把開元主
納在文皇祖武中

四

咸陽向午未朝餐
郭父白頭對御看
草野共知今日久
調羹須信廣平難

張說

天作儒臣福盛唐
文章臺閣兩生香
富開麗正書千卷
貴擁中書吏五房

二

鈴閣風聲紫氣寒幽州賁藁墨初乾黃昏獨馬開龍
塞九姓同羅一夜安

三

書園主第聖人家五色雲中放曉衙華國文章君獨
擅才名三度見宣麻

四

正是方員散黼才出能斬馬入調梅世家父子通聲
氣藝苑升沉執斗魁

蘇頲

蘇家父子入延英一德同叅宋廣平喜起未歌蘭臭

發五雲無地隔鶯聲

二

奪哀有詔愈銷魂燕國詩來晝掩門相業文名天下
滿朝回猶自泣親恩

三

獨稱罄節今丞相百緒絲綸如湧泉才大益教衡量
雅幾番推轂盡方圓

又張說 蘇頲

祖德惟馨玉燭平天章全付兩書生乾坤正在繁華
內姚宋猶高燕許名

張九齡

金鑑光搖笏出囊玉人風度拂秋霜誰家蜜口能開
笑願醉曲江萬壽觴

二

紫芝白雀生庭日疆起孤臣借帝籌貪愛十郎十九
載從他零落在荊州

三

明白貓雛禍一雙蔽旒無計潰琴撞若憐羽扇回天
步不到臨危痛曲江

盧懷慎

身後薦賢爭宋璟生前憂國遜姚崇都來一輩無雙
士闡入休休雅量中

二

一品蕭然一布囊清風吹徹聖人鄉獨憐天寶人猶
未便說開元志氣荒

韓休

驚看天表不勝情苦口韓休為國爭不到臘時人已
去違心還說愛蒼生

裴耀卿

河漕曾不慣吳船天子逐糧馬足穿自避三門輸渭

水關中斗米只三錢

楊綰

堂封載綰作梅鹽國繡三千六百縑莫問誰多誰最
少都來宜溷不宜廉

裴冕

回首延秋九廟沉衣冠名族此來尋只疑稱帝押班
客難掩腥沉社稷心

李泌

紫蓋煙銷月滿輪山河相付好抽身休嫌辟穀甘高
蹈西內都成辟穀人

李吉甫

一分坐食兩分輸猶上元和國計圖直待星流如織
後兵交四海一農無

二

三世絲綸一德同時髦搜盡數旬中文章偶用輕皇
甫忠厚曾聞下陸公

三

錢塘直搗潞州正券賜書生父子香政府幾回成廟
算開天終是杜黃裳

杜黃裳

電掣元和日月開
掀然尾大露誠來
綠輿一出門如水
塵鎖羶車萬里回

李絳

偃臥中書漫莫甘
密焚署藁卸朝簪
驚傳良笏醱醪酒
賜下新封高邑男

二

四代中興五十年
同籌玉箸至尊前
鄴侯竒雅宣公美
忠信高明見此賢

三

家奴好在絳難留
折節同心不到頭
河北歡聲空在

耳衰齡登俾笑諸侯

裴度

香山遺表晤于鬢
玉帶重還貫索開
同是書生閑步處
五雲十里露香來

二

東閣還容私第開
虛襟握髮禮塵埃
國能莫厭金吾報
盡與昌黎韓愈來

三

相君幢節擁柴村
回首天顏通化門
風雪初晴雞唱罷
蔡州一夜有乾坤

四

綠野花欄面水香
舍人迴席月迴廊
酒深莫說緋衣事
不踏紅塵第五岡

李德裕

嵐掩車關科斗迷
軍書一日萬封題
批殘紙尾歸私第
闢路東華日未西

二

摧盡強籓橫折衝
忽驚毛髮妬神龍
虛延令白成何事
還說唐家小太宗

鄭畋

自失文饒莫解兵
一時墨勅付書生
翠華午夜臨斜谷
龍尾坡前戰鼓鳴



中山言金

七言絕

五



